

საქართველოს კვ ტვ-თან არსებული პარტიის  
ისტორიის ინსტიტუტი — სკკპ ცენტრალურ  
კომიტეტთან არსებული მარქსიზმ-ლენინიზმის  
ინსტიტუტის ფილიალი

გ. ქვანია

ეგრეთ მოღებუდი  
„ნაციონალ-უკლონიზმის“  
შესახებ



გამომცემლობა „საბჭოთა საქართველო“  
თბილისი — 1990

ნაშრომში გაშუქებულია გამოჩენილ ქართველ პარტიულ და სახელმწიფო მოღვაწეთა ერთი ნაწილის ნაციონალ-უკლონისტებად „მონათელის“ ისტორია. მასში გამოყენებულია ავტორის მიერ გამოვლენილი ახალი, დღემდე გამოუქვეყნებელი ფრიად მნიშვნელოვანი პარტიული დოკუმენტები და მასალები. აღნიშნულ საკითხზე ავტორმა სხვადასხვა დროს პრესის ფურცლებზე გამოაქვეყნა პრობლემური ხასიათის სტატიები, რამაც მოახდინა ფაქტიურად „ნაციონალ-უკლონისტებად“ წოდებულთა სრული პოლიტიკური რეაბილიტაცია.

0902050002 175

ЖК \_\_\_\_\_ 4—1990

M 601 (08)—90

ISBN 5—529—01032—6

© გამომცემლობა „საბჭოთა საქართველო“, 1990

## 1. შესავლის მაგიერ

საქართველოში საბჭოთა ხელისუფლების პირველ თვეებში, პარტიულ დოკუმენტებსა და პრესის ფურცლებზე გამოჩნდა ტერმინი „ნაციონალ-უკლონისტები“. ასე შეერქვა მაშინ საქართველოს კომპარტიის ცენტრალური კომიტეტის ხელმძღვანელ ბირთვის, რომელშიც შედიოდნენ პარტიისა და საბჭოთა სახელმწიფოს გამოჩენილი მოღვაწენი: ბ. მღვიანი, ფ. მახარაძე, ს. ქავთარაძე, კ. ცინცაძე, მ. ოკუჯავა და ბევრი სხვა

როგორ მოხდა, რომ ადამიანეში, რომლებმაც კავკასიის სხვა რევოლუციონერებთან ერთად თავიანთი მხრებით ზიდეს ბრძოლის ძირითადი სიმძიმე ჯერ ცარიზმისა და ბურჟუაზიის, შემდეგ მენშევიკური ბატონობის წინააღმდეგ, ადამიანები, რომლებიც არ ზოგავდნენ ძალ-ღონეს, იბრძოდნენ საქართველოში საბჭოთა ხელისუფლების განმტკიცებისათვის, ამიერკავკასიის ხალხთა შორის მეგობრობის განმტკიცებისათვის, უცებ „ნაციონალ-უკლონისტებად“ იქცნენ? რა გახდა ასეთი მკვეთარი პოლიტიკური შეფასების საბაზი, რით დაიმსახურეს მათ ასეთი მკაცრი განაჩენი?

ეს საკითხები არაერთხელ წამოჭრილა ქართველ ისტორიკოსთა წინაშე. მაგრამ მათზე პასუხი არ გაუციათ, ვინაიდან ბატონობდა ოფიციალური თვალსაზრისი, რომელმაც ერთხელ და სამუდამოდ სამარცხვინო ბოძზე გააკრა „ნაციონალ-უკლონისტები“.

ბერიას ავადსახსენებელ წიგნში „ამიერკავკასიაში ბოლშევიკური ორგანიზაციების ისტორიის საკითხისათვის“ ეწერა, რომ „ნაციონალ-უკლონიზმი“ წარმოადგენდა შემტევ შოვინიზმს, რომელიც ასახავდა ქართველი მენშევიკებისა და ნაციონალ-დემოკრატების დიდმპყრობელურ ბურჟუაზიულ ნაციონალიზმს.

ამავე ყაიდაზე იყვნენ დახასიათებული „ნაციონალ-უკლონისტები“ „კომუნისტური პარტიის (ბოლშევიკების) ისტორიის“ მოკლე კურსში, სადაც ნათქვამია, რომ ისინი „ნამდვილი დიდმპყრობელური შოვინისტები არიან,“, რომლებიც ახორციელებდნენ „დიდმპყრობელურ პოლიტიკას ეროვნულ უმცირესობათა მიმართ“. მათ ბრალად სდებდნენ იმას, რომ ისინი „ილაშქრებდნენ ამიერკავკასიის ხალხთა მეგობრობის განმტკიცების წინააღმდეგ“, ასევე არიან დახასიათებული „ნაციონალ-უკლონისტები“ „ამიერკავკასიის კომუნისტური ორგანიზაციების ისტორიის ნარკვევებში“, რომელიც გამოიცა 1971 წელს, „სკკპ ისტორიაში“ ბ. პონომაროვის საერთო რედაქციით და „საქართველოს კომპარტიის ისტორიის ნარკვევებში“. ასეთია დოგმატიზმისა და კონიუნქტურულობის

ძალა, რომლებიც დიდხანს სუფევდა ჩვენს საზოგადოებათმცოდნეობაში.

ახლა, როდესაც სერიოზულად ვესწრაფვით აღვადგინოთ ნამდვილი ისტორიული სიმართლე ჩვენს წარსულზე, აღმოვფხვრათ „თეთრი ლაქები“, ფაქტების განზრახ დამახინჩება და გაყალბება, დადგა დრო გავერკვეთ „ნაციონალ-უკლონიზმის“ ისტორიაშიც.

## 2. ეგრეთ წოდებული „ნაციონალ- უკლონისტების“ წინააღმდეგ

პოლიტიკური ბრალდება „ნაციონალ-უკლონი-  
ზმში“ გაჩნდა იმ კონფლიქტების მსვლელობაში,  
რომლებიც წარმოიშვა რკპ(ბ) ცენტრალური კო-  
მიტეტის კავბიუროსა და საქართველოს კომპარ-  
ტიის ცენტრალურ კომიტეტს შორის საქართველო-  
ში საბჭოთა ხელისუფლების გამრჩეებისთანავე.  
ეს დავა ეხებოდა იმ პერიოდის ამიერკავკასიის რე-  
სპუბლიკების ეკონომიკური და პოლიტიკური  
ცხოვრების ბევრ პრინციპულად დიდმნიშვნელო-  
ვან ასპექტს.

პირველი უთანხმოება რკპ(ბ) ცენტრალური  
კომიტეტის კავბიუროსა და საქართველოს კომპარ-  
ტიის ცენტრალურ კომიტეტს შორის გაჩნდა ჯერ  
კიდევ 1921 წლის, აპრილში რკინიგზების გაერთი-  
ანების საკითხზე.<sup>1</sup>

საქართველოს კომპარტიის ცენტრალურ კო-  
მიტეტს მიაჩნდა, რომ რკინიგზების გაერთიანება  
არ შეიძლება განხორციელდეს მბრძანებლური  
გზით, და რომ ჯერ უნდა აღდგენილ იქნას დან-

<sup>1</sup> მლიცა, ფ. 5, აღწ. 2, ს. 32, ფურც. 71.

ჰრეული გზა. საქართველოს კომპარტიის ცენტრალური კომიტეტის აზრით, რკინიგზების გაერთიანება უნდა მომხდარიყო ადგილობრივ ხელისუფალთა სახელით და პოლიტიკური კამპანიის ჩატარების შემდეგ. კავბიურო ჩქარობდა. მან მოუშაბდა, ყოველგვარი კამპანიის ჩაუტარებლად გამოიტანა და გამოაქვეყნა საქართველოს კომპარტიის ცენტრალურ კომიტეტთან შეუთანხმებლად დადგენილება რკინიგზების გაერთიანების შესახებ. ამის შედეგად რკინიგზების გაერთიანების ნაცვლად, ბუდუ მდივნის სიტყვებით რომ ვთქვათ, „მოხდა მათი გათიშვა“.<sup>1</sup>

რკინიგზების გაერთიანების საკითხში საწინააღმდეგო პოზიციაზე დადგომისათვის საქართველოს კომპარტიის ცენტრალური კომიტეტი „ნაციონალუკლონისტებად“ მონათლეს.

მეორე სერიოზული უთანხმოება რკპ(ბ) ცენტრალური კომიტეტის კავბიუროსა და საქართველოს კომპარტიის ცენტრალურ კომიტეტს შორის წარმოიშვა 1921 წლის შუახანებში თბილისში სრულიად რუსეთის საგანგებო კომისიის სრულუფლებიანი წარმომადგენლობის დაფუძნების საკითხზე. საქართველოს კომპარტიის ცენტრალურმა კომიტეტმა ნაადრევად მიიჩნია ასეთი ორგანოს შექმნა და კავბიუროს მეშვეობით რკპ(ბ) ცენტრალურ კომიტეტს მიმართა თხოვნით — გადაეხინჯა ეს გადაწყვეტილება იმ მიზნით, რომ საქართვე-

<sup>1</sup> მლოკვა, ფ. 64, აღწ. 1, ს. 1, ფურც. 220.

ლოს საგანგებო კომისიას თავისი ხელმძღვანელობა განხორციელებინა არაოფიციალურად ცალკე კავკასიის არმიის განსაკუთრებული განყოფილების მეშვეობით.<sup>1</sup>

კავბიუროს, პირადად ორჯონიკიძეს, ამ საკითხში კონფლიქტი მოუხდა საქართველოს კომპარტიის ცენტრალურ კომიტეტთან. რკპ(ბ) ცენტრალურმა კომიტეტმა კონფლიქტი ამ საკითხის გამო გადაწყვიტა საქართველოს კომპარტიის ცენტრალური კომიტეტის სასარგებლოდ.<sup>2</sup>

შემდეგი, მესამე საკითხი, რომელზეც უთანხმოება წარმოიშვა ამიერკავკასიის სამხარეო კომიტეტსა და საქართველოს კომპარტიის ცენტრალურ კომიტეტს შორის, ეხებოდა ამიერკავკასიაში ფულის რეფორმის საკითხს.

ამიერკავკასიის სამხარეო კომიტეტმა უგულვებლყო საქართველოს კომპარტიის ცენტრალური კომიტეტის აზრი და მიიღო გადაწყვეტილება მთელ ამიერკავკასიაში რუსული ფულის ნიშნების შემოღების შესახებ.<sup>3</sup>

საქართველოს კომპარტიის ცენტრალურმა კომიტეტმა ეს რეფორმა მეტად ნაჩქარევად მიიჩნია და აღნიშნა, რომ რეფორმა შეიძლება განხორციელებულიყო მხოლოდ მაშინ, როცა რსფს რესპუბლიკის ფულის ნიშნებს გასავეალი ექნებოდათ სა-

---

<sup>1</sup> შლიცა, ფ. 5, აღწ. 2, ს. 32, ფურც. 25.

<sup>2</sup> იქვე.

<sup>3</sup> იქვე, ფურც. 29.



ქართველოს ბონების თანაბრად ან მათზე მეტად,<sup>1</sup> ამასთან საქართველოს კომპარტიის (ბოლშევიკების) ცენტრალურ კომიტეტს მიაჩნდა, რომ ეს მომენტი მალე დადგებოდა. აღნიშნული უთანხმოება განსახილველად შეიტანეს რკპ(ბ) ცენტრალური კომიტეტის პოლიტბიუროში, რომელმაც დაამტკიცა (ვ. ი. ლენინის დაუსწრებლად) ამიერკავკასიის სამხარეო კომიტეტის გადაწყვეტილება. მაგრამ მალე, ლენინის წინადადებით, საკითხი კვლავ დაისვა რკპ(ბ) ცენტრალური კომიტეტის პლენუმზე, კომისიას გადაეცა და 1922 წლის 6 ოქტომბერს პლენუმმა დაამტკიცა კომისიის შეთანხმება იმის შესახებ, რომ აუცილებელი იყო გარდამავალ ღონისძიებათა განხორციელება ამიერკავკასიაში ფულის სისტემის ერთიანობის უზრუნველსაყოფად.<sup>2</sup>

შემდეგი, მეოთხე, უთანხმოება ეხებოდა ქართული წითელი არმიის საკითხს. ვ. ი. ლენინის დირექტივებზე დაყრდნობით საქართველოს კომპარტიის ცენტრალური კომიტეტი მოითხოვდა ქართული არმიის შექმნას.

საქართველოს კომპარტიის ცენტრალური კომიტეტის ეს მოთხოვნაც უარყვეს. კავშიურომ და რკპ(ბ) ცენტრალურმა კომიტეტმა საქართველოს კომპარტიის ცენტრალური კომიტეტის მოთხოვნები უსაფუძვლოდ მიიჩნიეს. 1921 წლის ნოემბერში რკპ(ბ) ცენტრალურმა კომიტეტმა გამოიტანა და-

<sup>1</sup> შლიცა, ფ. 5, აღწ. 2, ს. 32, ფურც. 29.

<sup>2</sup> იქვე.

დგენილება ამიერკავკასიის სამივე რესპუბლიკაში სამხედრო საქმის დაყენების საკითხში ყოველმხრივ სრული უფლებების მინიჭების შესახებ.<sup>1</sup> ამ დადგენილების შედეგად ქართული წითელი არმიის ნაცვლად იქმნებოდა ნომერული ქართული ბრიგადა ცალკე კავკასიის არმიის შემადგენლობაში. ამასთან დაკავშირებით პ. აღნიაშვილი ძერჯინსკის კომისიის მოხსენებაში წერდა: „ჩვენ ნების არ გვრთავდნენ ჩამოგვეყალიბებინა არმია და ამით საქართველოს მრავალრიცხოვან ნაციონალისტებს საბაბი მისცეს წითელი არმია მიეჩნიათ საოკუპაციო არმიად“.<sup>2</sup> აი ის ძირითადი მოტივი, რისთვისაც საქართველოს კომპარტიის ცენტრალური კომიტეტი მოითხოვდა ქართული წითელი არმიის შექმნას.

არანაკლებ მწვავე ხასიათი მიიღო უთანხმოებამ პროფკავშირების საკითხზე. საქართველოს კომპარტიის ცენტრალური კომიტეტი იმის წინააღმდეგი იყო, რომ საქართველოს პროფკავშირები უშუალოდ დაკავშირებოდნენ სრულიად რუსეთის პროფკავშირებს და აუცილებლად მიაჩნდა ეს კავშირი განეხორციელებინა საქართველოს პროფსაბჭოს მეშვეობით.

სრულიად რუსეთის პროფკავშირთა ცენტრალური საბჭოს ამიერკავკასიის ბიურო და ამიერკავკასიის სამხარეო კომიტეტი ახორციელებდნენ უშუალო კავშირის უზრუნველყოფის ხაზს საქარ-

<sup>1</sup> მლიცა, ფ. 5, აღწ. 2, ს. 32, ფურც. 30.

<sup>2</sup> იქვე.

თველოს პროფსაბჭოს გვერდის ავლით, მაგრამ პროფსაბჭოს უტოვებდნენ უფლებას გაეპროტესტებინა სრულიად რუსეთის კავშირების გადაწყვეტილებანი სრულიად რუსეთის პროფკავშირთა ცენტრალური საბჭოს მეშვეობით.<sup>1</sup>

რკპ ცენტრალური კომიტეტი მხარს უჭერდა სრულიად რუსეთის პროფკავშირთა ცენტრალური საბჭოს ამიერკავკასიის ბიუროს ხაზს. საქართველოს კომპარტიის ცენტრალური კომიტეტი დაემორჩილა ამ გადაწყვეტილებას, მაგრამ საქართველოს პროფსაბჭო, როგორც ეს აღიარა ბუდუ მდივანმაც, აფერხებდა ამ გადაწყვეტილების განხორციელებას. ამისათვის სამსახურიდან მოიხსნა საქართველოს პროფსაბჭოს ერთ-ერთი პასუხისმგებელი მუშაკი ამხ. ოდილავაძე.

ამასთან დაკავშირებით რკპ ცენტრალური კომიტეტის საორგანიზაციო ბიურომ 1922 წლის 25 სექტემბერს დაავალა ამიერკავკასიის სამხარეო კომიტეტს ჩაეტარებინა საქართველოს პროფკავშირებს შორის წმენდა და პერეტრუბაცია. საქართველოს კომპარტიის ცენტრალურმა კომიტეტმა ამიერკავკასიის სამხარეო კომიტეტს და რკპ ცენტრალურ კომიტეტს სთხოვა, რომ წმენდა დაეკისრებინათ საქართველოს კომპარტიის ცენტრალური კომიტეტისათვის. მაგრამ ორჯონიკიძემ, საორგანიზაციო ბიუროს წინადადების თანახმად, წმენდა და პროფსაბჭოს ახალი სამდივნოს დანიშვნა

<sup>1</sup> პლიცა, ფ. 5. აღწ. 2. ს. 32, ფურც. 31.

ჩაატარა ამიერკავკასიის სამხარეო კომიტეტის მეშვეობით და ამით საქართველოს კვ ცენტრალურ კომიტეტს ჩამოართვა საქართველოს პროფესიული მოძრაობის საქმეთა წარმართვა.<sup>1</sup> ამან გამოიწვია უკანასკნელის საყვედურები, პროტესტები და ჩივილი იმისათვის, რომ საქართველოს პროფესიული მოძრაობა ჩამოაშორეს მის მართვას, რომ მისი უფლებები უფრო დააკნინეს საგუბერნიო კომიტეტების უფლებებთან შედარებითაც კი.

უფრო ადრე, 1921 წლის აგვისტოში, წარმოიშვა უთანხმოება ამიერკავკასიის რესპუბლიკების სამეურნეო გაერთიანების საკითხზეც. სხვებთან შედარებით ამ საკითხზე უთანხმოებამ უფრო მწვავე და მძაფრი ხასიათი მიიღო.

საქართველოს კომპარტიის ცენტრალური კომიტეტი ამ შემთხვევაში რკპ(ბ) ცენტრალური კომიტეტის კავკასიის ბიუროს საპირისპირო პოზიციასზე დადგა. საქართველოს კომპარტიის ცენტრალური კომიტეტი არ ეწინააღმდეგებოდა ამიერკავკასიის რესპუბლიკების ეკონომიკური გაერთიანების აუცილებლობას, მაგრამ მოითხოვდა მის განხორცილებას სამეურნეო შეთანხმებებით და წინადადებას აყენებდა ეს და მასთან დაკავშირებული სხვა ღონისძიებანი გაეტარებინათ არა ბრძანების წესით, ადმინისტრაციული ზემოქმედების მეთოდებით, არამედ მოფიქრებულად, ზედმეტი აჩქარების გარეშე, პარტიული ორგანიზაციებისა და მშრომელთა ფართო მასების მხარდაჭერით.

---

<sup>1</sup> შლიცა, ფ. 5, აღწ. 2, ს. 32, ფურც. 72.

მაგრამ კავშიურო უგულებელყოფდა საქართველოს კომპარტიის ცენტრალური კომიტეტის აზრს და ამიერკავკასიის რესპუბლიკების გაერთიანება მიაჩნდა უშუალო პრაქტიკის საქმედ, რომელიც დაუყოვნებლივ უნდა განხორციელებულიყო, და განაგრძობდა მის გატარებას ისე, რომ გულდასმით არ ამოწმებდა, არსებობდა თუ არა ამიერკავკასიის რესპუბლიკების ეკონომიკური გაერთიანების აუცილებელი წინამძღვრები, ანგარიშს არ უწევდა აზერბაიჯანის, სომხეთის და საქართველოს კომპარტიათა ცენტრალური კომიტეტების აზრს, არავითარ წინასწარ განმარტებითს მუშაობას არ ეწეოდა მასებში. არ აბამდა ამ საქმეში პარტიულ ორგანიზაციებს.

და შემთხვევითი როდია, რომ ბევრი ღონისძიება, რომელთა განხორციელებას ლამობდა კავშიურო, ორჯონიკიძის — კავშიუროს ფაქტიური ხელმძღვანელის — აღიარებით, არ განხორციელებულა, კერძოდ, ჰაერში იყო გამოკიდებული რკინიგზისა და საგარეო ვაჭრობის გაერთიანებული ორგანოების შექმნა, შეუსრულებელი დარჩა აგრეთვე სავალუტო ფასეულობათა საგარეო ვაჭრობისათვის გადაცემის გადაწყვეტილება და ა. შ.<sup>1</sup>

კავშიუროს ღონისძიებათა ჩაშლის ძირითად მიზეზად მიაჩნდა „საკმაოდ ძლიერი ოპოზიცია საქართველოსა და აზერბაიჯანში ზოგიერთი ამხანა-

<sup>1</sup> ამიერკავკასიის კომუნისტური ორგანიზაციების პირველი ყრილობა, თბილისი, 1922. გვ. 43.

გის მხრივ“.<sup>1</sup> ამიტომ კავშიურომ დაუყოვნებლივ გადამწყვეტ ზომებს მიმართა მთავარ „დამნაშავეთა“ წინააღმდეგ, განსაკუთრებით საქართველოს კომპარტიის ცენტრალური კომიტეტის ხელმძღვანელობის წინააღმდეგ.

უკვე რკპ ცენტრალური კომიტეტის კავშიუროს პლენუმის<sup>2</sup> გადაწყვეტილებაში — „ამიერკავკასიის საბჭოთა რესპუბლიკების ურთიერთობის შესახებ“, რომელიც მიღებულ იქნა 1921 წლის ივლისის პირველ რიცხვებში, საქართველოს კომპარტიის ცენტრალური კომიტეტის ხელმძღვანელობას ბრალად ედებოდა „გადახრა ნაციონალიზმისაკენ“, რომელიც თითქოს გამოიხატა-საგარეო-ვაკრობის, რესპუბლიკების ტერიტორიული გამიჯვნის, საბაჟოებისა და საკონტროლო პუნქტების გაუქმების საკითხების გადაწყვეტისას.

ასე შევიდა ხმარებაში ტერმინი „ნაციონალ-უკლონიზმი“, ასე დაედო სათავე „ურჩების“ დენა-შევიწროებას, რაც შემდგომ ბევრი მათგანის ფიზიკური მოსპობით დასრულდა.

ჩვენი აზრით კი, „ნაციონალ-უკლონიზმის“ ბრალდება კავშიუროს ხელმძღვანელობას იმისათვის დასკირდა, რომ გაემართლებინა ამიერკავკა-

<sup>1</sup> ამიერკავკასიის კომუნისტური ორგანიზაციების პირველი ყრილობა, თბილისი, 1922, გვ. 44.

<sup>2</sup> კავშიუროს პლენუმი გაიმართა თბილისში 1921 წლის 2-3 ივლისს, რომელზეც რკპ ცენტრალური კომიტეტიდან მონაწილეობდა ი. ბ. სტალინი. ამიერკავკასიის რესპუბლიკებში პოლიტიკური მდგომარეობის შესახებ მოხსენება გააკეთა გ. კ. ორჯონიკიძემ.

სთის რესპუბლიკების ეკონომიკური გაერთიანებისათვის ბრძოლის დროს დაშვებული საკუთარი შეცდომები.

რით გამოიხატებოდა, ჩვენი აზრით, ისინი? ჯერ ერთი, კავშიურო ხელოვნურად აჩქარებდა თავის ღონისძიებათა განხორციელებას, ანგარიშს არ უწევდა იმას, თუ რამდენად მზად იყვნენ მშრომელები ამისათვის. ნებაყოფლობის ნაცვლად ხშირად მიმართავდა მბრძანებლურ ზომებს. ზოგჯერ კავშიურო სახავდა ისეთ ამოცანებსაც, რომელთა შესრულება წინასწარ განწირული იყო ჩასაფუშავად. ამის შედეგად იყო შემთხვევები, როცა კავშიურო აუქმებდა ნაჩქარევად მიღებულ თავის გადაწყვეტილებებს.

მეორე მიზეზი, რამაც გამოიწვია ოპოზიცია საქართველოს კომპარტიის ცენტრალური კომიტეტის მხრივ, ის იყო, რომ კავშიურო ხშირად ქედმაღლურად უგულებელყოფდა საქართველოს კომპარტიის ცენტრალური კომიტეტის აზრს და არცთუ იშვიათად უხეშად ერეოდა მის საქმეებში.

მესამე. რკპ ცენტრალური კომიტეტის კავშიურომ ბევრ შემთხვევაში დავიწყებას მისცა ლენინის ბრძნული რჩევები და მითითებანი, რომლებიც გადმოცემულია გ. კ. ორჯონიკიძისადმი 1921 წლის 2 მარტის წერილში და წერილში „აზერბაიჯანის, საქართველოს, სომხეთის, დალისტნის მთიანი რესპუბლიკის ამხანაგ-კომუნისტებს“, რომელიც დაწერა 1921 წლის 14 აპრილს.

ვ. ი. ლენინი ორჯონიკიძეს სთხოვდა:

„...აუცილებელია ქართველი ინტელიგენციისა და წერილი ვაჟკრების მიმართ დათმობათა განსაკუთრებული პოლიტიკა. უნდა შევიგნოთ, რომ არა თუ აზრი არა აქვს ამ წერილი ვაჟკრების ნაციონალიზებას, არამედ საჭიროა ერთგვარი მსხვერპლიც კი გავიღოთ, ოღონდ გავაუმჯობესოთ მათი მდგომარეობა და დავუტოვოთ მათ წერილი ვაჟკრობის შესაძლებლობა“.<sup>1</sup>

„გთხოვთ გახსოვდეთ, რომ საქართველოს როგორც საშინაო, ისე საგარეო პირობები ქართველი კომუნისტებისაგან მოითხოვს რუსული შაბლონის გამოყენებას კი არა, არამედ ისეთი თავისებური ტაქტიკის მოხერხებულად და მოქნილად შემუშავებას, რომელიც ყოველგვარი წვრილბურჟუაზიული ელემენტებისადმი მეტ დამთმობლობაზე იქნება დამყარებული“.<sup>2</sup>

რა არის საერთო ლენინის ამ მითითებებსა და კავბიუროს, ხოლო მოგვიანებით ამიერკავკასიის სამხედრო კომიტეტის მიერ გატარებულ ხაზს შორის ქართველი ინტელიგენციისა და წერილი ბურჟუაზიის მიმართ?

რა თქმა უნდა, საერთო არაფერია.

მეოთხე, უფრო მნიშვნელოვანი, მიზეზი იყო ის, რომ კავბიუროს ხელმძღვანელები უგულვებელყოფდნენ ლენინის უაღრესად საგულისხმო მითითებებს იმის თაობაზე, რომ ეროვნული პოლიტიკის განხორციელებისას „აუცილებელია განსაკუ-

<sup>1</sup> ვ. ი. ლენინი. თხზ., ტ. 32, გვ. 189.

<sup>2</sup> იქვე, გვ. 190.



თარებული სიფრთხილე ეროვნული გრძნობის მიმართ“, რომ „პროლეტარული დამოუკიდებულება მხოლოდ სიფრთხილეს, თავაზიანობასა და დამთმობლობას, რომ „ერებს შორის საჭიროა ისეთი კავშირი, რომელიც დაემყარება წარულ ნდობას, ძმური ერთიანობის შეგნებას“.

ვ. ი. ლენინის ამ ბრძნულ მითითებათა ნაცვლად გაერთიანებული პარტიული, საბჭოთა და პროფკავშირული ორგანოების ზოგიერთი ხელმძღვანელი ხშირად ახორციელებდა აშკარად შოვინისტურ პოლიტიკას. ავიღოთ, მაგალითად, ასეთი ფაქტი: თბილისის ბევრ დაწესებულებაში შემტოლეს საქმის წარმოება მხოლოდ და მხოლოდ რუსულ ენაზე, ამიერკავკასიის გაერთიანებულ სახალხო კომისარიატებში, რომლებსაც სათავეში რუსები ედგნენ, მთელი საქმის წარმოება და მიმწერა ადგილობრივ დაწესებულებებთან რუსულ ენაზე მიმდინარეობდა.<sup>1</sup>

ან სხვა მაგალითი: რკინიგზების გაერთიანების შემდეგ 1921 წლის ოქტომბრის დამლევს ბევრი ქართველი მუშა დაითხოვეს თითქოსდა შტატების შემცირების საბაბით, ხოლო ამიერკავკასიის რკინიგზების სამმართველო ერთი თვის შემდეგ როსტოვში გზავნის დეპეშას და მოითხოვს: „უკიდურესი აუცილებლობის გამო გამოგზავნოს 12-14 ათასი კაცი, მათ შორის გუშაგები და ასენიზატორები“.<sup>2</sup>

<sup>1</sup> მლიცა. ფ. 5. აღწ. 2. ს. 32.

<sup>2</sup> იქვე.

კიდევ ასეთი მაგალითი: საგანგებო კომისიის ორგანოებიდან მასობრივად ითხოვდნენ ქართველებს და მათ ნაცვლად ნიშნავდნენ რუსებს. 1921 წლის დამლევს ამიერკავკასიის საგანგებო კომისიის უფროსი დეპეშას გზავნის ბათუმში: „სამარიდან მივიღეთ შევსება 1345 ველიკორუსი. გვაცნობეთ, რამდენი შევსება გკირდებათ“. დეპეშაში განმარტებული იყო, თუ ვინ უნდა მოეცილებინათ ბატალიონიდან, მათ შორის ყველა ქართველი. ამ დეპეშის საფუძველზე ბათუმის საგანგებო კომისიის უფროსის მოადგილემ განაცხადა: „ახლა ისეთი კურსია, რომ შეიძლება ყველა ქართველი დავითხოვოთ საგანგებო კომისიიდან“.<sup>1</sup>

და კიდევ: თბილისში მყოფი ძველი შავრაზმული მოხელეობა ძველი ჩვეულებისამებრ თავისას გაიძახოდა, მალე ბოლო მოეღება საქართველოს და ერთიანი განუყოფელი რუსეთი იქნებაო.<sup>2</sup>

დიდმპყრობელური შოვინიზმის გამოვლინების ეს და სხვა მრავალი აღმაშფოთებელი ფაქტი თითქმის რეაგირების გარეშე რჩებოდა კავშიუროს და შემდეგ ამიერკავკასიის სამხარეო კომიტეტის მხრივაც.

კანონზომიერია, რომ კავშიუროს და ამიერკავკასიის სამხარეო კომიტეტის შემრიგებლური პოლიტიკა არა მარტო საქართველოს კომპარტიის ცენტრალური კომიტეტისა და პარტიული ორგა-

---

<sup>1</sup> მლიცა, ფ. 5, აღწ. 2, ს. 32. ფურც. 78.

<sup>2</sup> იქვე

ნიზაციების უკმაყოფილებას იწვევდა, არამედ ფართო მასებისასაც, რომლებიც საუკუნეზე მეტი ხნის განმავლობაში იღებდნენ მეფის დიდმპყრობელური შოვინისტური პოლიტიკის დამამცირებელ საგნობრივ გაკვეთილს. ამიტომ მშრომელი მასები განსაკუთრებით მტკივნეულად აღიქვამდნენ ეროვნული გრძნობებისადმი აბუჩად ამგდები დამოკიდებულების თითოეულ შემთხვევას.

ასეთია მთავარი მიზეზები, რომლებმაც ჩასაფუშავად გასწირეს კავბიუროს ბევრი ძალზე ნაჩქარევად მიღებული გადაწყვეტილება, ამიერკავკასიის რესპუბლიკების ეკონომიკურ გაერთიანებას რომ ისახავდა მიზნად. თვით ორჯონიკიძეც არ უარყოფდა ამ ფაქტს: „რა თქმა უნდა, ცხადია, რომ ჩვენც ცოდვილები ვიყავით“.<sup>1</sup> — ამბობდა იგი ამიერკავკასიის კომუნისტური ორგანიზაციების I ყრილობაზე.

კავბიუროს აღნიშნული შეცდომები არანაკლებ ახასიათებდა ამიერკავკასიის სამხარეო კომიტეტის საქმიანობასაც, განსაკუთრებით 1922-1923 წლებში.

მას შემდეგ, რაც ნათელი გახდა, რომ ამიერკავკასიის რესპუბლიკების ეკონომიკური გაერთიანება არ მოხერხდა, კავბიურომ გააუქმა შესაბამისი გადაწყვეტილება და თავის 1921 წლის 2 ნოემბრის პლენუმზე მიიღო დადგენილება ამიერკავკასიის რესპუბლიკების ფედერაციის შექმნის შე-

---

<sup>1</sup> ამიერკავკასიის კომუნისტური ორგანიზაციების I ყრილობა. თბილისი, 1922, გვ. 45.

სახებ. პლენუმის რეზოლუციაში ნათქვამია: „ხელმძღვანელობს რა იმით, რომ ამიერკავკასიის რესპუბლიკების განცალკევებული არსებობა უმწეოს გახდის მათ კაპიტალისტური ქვეყნების წინაშე, რომ მკიდრო, პოლიტიკური და ეკონომიკური კავშირი კონტრევოლუციის მხრივ თავდასხმის აცილების საიმედო გარანტია იქნება და განამტკიცებს საბჭოთა ხელისუფლებას ახლო აღმოსავლეთის საზღვარზე, აგრეთვე გაზრდის ამ რესპუბლიკების სამეურნეო-ეკონომიკურ ძლიერებას და მყარ საფუძველს ჩაუყრის ამიერკავკასიის მშრომელი მასების სოლიდარობას, — კავბიურო აღგენს: შეიქმნას ამიერკავკასიის რესპუბლიკების ფედერაცია, გაერთიანდეს სამხედრო, სამეურნეო, საფინანსო და საგარეო პოლიტიკა, ჩამოყალიბდეს გაერთიანებული ორგანო — საკავშირო საბჭო: ფედერაცია სულაც არ ნიშნავს არსებული რესპუბლიკების დამოუკიდებლობის მოსპობას“.<sup>1</sup>

კავბიუროს გადაწყვეტილება ამიერკავკასიის ფედერაციის შესახებ მიიღეს საქართველოს კომპარტიის ცენტრალურ კომიტეტთან წინასწარ შეუთანხმებლად და ყოველგვარი მოსამზადებელი კამპანიის გარეშე.<sup>2</sup>

8 ნოემბერს ს. ორჯონიკიძემ მიღებული რეზოლუცია გაუგზავნა რკპ(ბ) ცენტრალურ კომიტეტს.

1 ბაკინსკი რაბოჩი, 1921 წლის 6 ნოემბერი.

2 მლიცკა. ფ. 5. აღწ. 2. ს. 32. ფურც. 21.

კავბიუროს დადგენილება ამიერკავკასიის ფედერაციის შექმნის შესახებ განიხილეს რკპ(ბ) ცენტრალური კომიტეტის პოლიტბიუროს სხდომაზე 1921 წლის 17 ნოემბერს. მაგრამ ამიერკავკასიის რესპუბლიკების ფერედაციად გაერთიანების აუცილებლობა საკმაოდ დამაჭერებლად ვერ იყო დასაბუთებული, ამიტომ თავის გადაწყვეტილებაში პოლიტბიურომ ჩაწერა: „კავბიუროში გაიგზავნოს შემდეგი დეპეშა: „დაუყოვნებლივ გვაცნობეთ, სახელდობრ რა დადგინეთ ამიერკავკასიის ფედერაციის შექმნის საკითხზე და როგორ წარმოგიდგენიათ ამიერკავკასიის ფედერაციის საკავშირო საბჭოსა და რსფს რესპუბლიკის ურთიერთობა. ცენტრალური კომიტეტი დასკვნას გამოიტანს თქვენგან მასალების მიღების შემდეგ“.<sup>1</sup>

რკპ(ბ) ცენტრალური კომიტეტის აღნიშნული დადგენილება მოასწავებდა, რომ კავბიურომ და მისმა ხელმძღვანელობამ ზუსტად ვერ ჩამოაყალიბეს თავიანთი იდეები ამიერკავკასიის ფედერაციის შესახებ.

კავბიურომ შეუწყნარებელი აჩქარება გამოიჩინა იმაშიც, რომ ეს საკითხი გადაწყვიტა აზერბაიჯანის, სომხეთისა და საქართველოს კომპარტიათა ცენტრალურ კომიტეტებთან შეუთანხმებლად, პარტიულ ორგანიზაციებში წინასწარ განუხილველად, არ ჩაატარა არავითარი განმარტებითი მუშაობა ფართო მასებისათვის ამ ნაკ-

---

<sup>1</sup> მლიცკა, ფ. 17, აღწ. 3, ს. 231, ფურც. 2.

ლებად გასაგებ საკითხზე. ამიტომ შემთხვევითი როდია, რომ ფედერაციის შექმნის საკითხზე წარმოიშვა სერიოზული უთანხმოება კავბიუროსა და საქართველოს კომპარტიის ცენტრალურ კომიტეტს შორის.

საქართველოს კომპარტიის ცენტრალური კომიტეტი პრინციპულად არ იყო ფედერაციის წინააღმდეგი, მაგრამ მაინცდამაინც მოვლენებისათვის გასწრება, მოითხოვდა ფრთხილ მიდგომას, გაერთიანების განხორციელებას ქვემოდან საბჭოების შექმნის შემდეგ, რათა არ ჩაშლილიყო საარჩევნო კამპანია. ფ. მახარაძე მოხსენებაში 1921 წლის დეკემბერში რკპ ცენტრალურ კომიტეტს უდგენს მოხსენებას — „საქართველოში მუშაობის შესახებ“, რომელშიც გადაჭრით აყენებს საკითხს „შეაჩერონ კავბიუროს უაღრესად უთავბოლო გადაწყვეტილება — ამიერკავკასიის რესპუბლიკების ფედერაციის დაუყოვნებლივ განხორციელება საქართველოსა და სომხეთში საბჭოების შექმნამდე“.<sup>1</sup> შემდეგ, მახარაძე წერს: „კავბიუროს დადგენილება ამიერკავკასიის რესპუბლიკების ფედერაციის დაუყოვნებლივ განხორციელების შესახებ ეწინააღმდეგება მთელ ჩვენს პოლიტიკას, რომელიც ძალზე ფრთხილი უნდა იყოს და არ უნდა დაუთმოს ჩვენს მტრებს პოზიციები პროვოკაციისათვის. ეს ღონისძიება ნაციონალისტური ტენ-

<sup>1</sup> მლიცპა, ფ. 5, აღწ. 2, ს. 32, ფურც. 27.

დენციების შესუსტების ნაცვლად, პირიქით, ზრდის და აძლიერებს მათ“.<sup>1</sup>

საქართველოს კომპარტიის ცენტრალური კომიტეტის პოზიცია ამიერკავკასიის ფედერაციის საკითხში სულაც არ ნიშნავდა იმას, თითქოს იგი აზერბაიჯანელი, სომეხი ან რომელიმე სხვა საბჭოთა ხალხთან მეგობრობის წინააღმდეგი იყო. პირიქით, ის ყოველნაირად ხელს უწყობდა ძმური მეგობრობის გაფართოებასა და გაღრმავებას ჩვენი დიადი ქვეყნის ხალხებს შორის.

მაგრამ კავშიურის ხელმძღვანელობა, აგრეთვე რკპ(ბ) ცენტრალური კომიტეტის ზოგიერთი წევრი განზრახ ამახინჯებდნენ და ყოველნაირად ართულებდნენ საქართველოს კომპარტიის ცენტრალური კომიტეტის ხელმძღვანელი ბირთვის პოზიციას, რომელიც არ ემთხვეოდა კავშიურის აზრს ამიერკავკასიის ფედერაციისა და მისი შექმნის მეთოდების საკითხებში. „ნაციონალ-უკლონისტებს“ ბრალად სდებდნენ, თითქოს ისინი ილაშქრებდნენ ამიერკავკასიის ხალხთა მეგობრობის განმტკიცების წინააღმდეგ, თითქოს საქართველოში მცხოვრებ სხვა ეროვნებათა მიმართ თავი ეჭირათ როგორც ნამდვილ დიდმპყრობელურ შოვინისტებს და თბილისიდან ყველა არაქართველის გასახლებასაც კი მოითხოვდნენ; ირწმუნებოდნენ, რომ მათი მოთხოვნით გამოიკა კანონი, რომლის თანახმად არაქართველზე გათხოვილი ქართველი ქალი საქართველოს მოქალაქეობას კარგავდა და ა. შ.

<sup>1</sup> მლიცკა. ფ. 5, აღწ. 2, ს. 32, ფურც. 27.

სამწუხაროა, რომ სრულიად ყალბ ბრალდებას, შეთითხნილს ჯერ კიდევ 1921 წელს გააფთრებული პოლემიკის პირობებში, დღესაც თითქმის უცვლელად იმეორებს ზოგიერთი საბჭოთა ისტორიკოსი თავის ნაშრომებში. განა ეს არ ადასტურებს დასკვნას, რომელიც გამოიტანა სკკპ ცენტრალური კომიტეტის 1987 წლის იანვრის პლენუმმა იმის შესახებ, რომ ზოგიერთი აქტუალური პრობლემის გაშუქება ისტორიულ-პარტიულ ლიტერატურაში „30-40-იანი წლების დონეზე რჩება“.

არსებული დოკუმენტების, საარქივო მასალების ანალიზი სრულ უფლებას გვაძლევს გადაუჭარბებლად ვამტკიცოთ, რომ ეგრეთ წოდებული „ნაციონალ-უკლონისტების“ წინააღმდეგ წაყენებული ყველა ბრალდება პრინციპულად არასწორი, ხელოვნურად გაზვიადებული იყო.

ამიერკავკასიის ფედერაციის შექმნის საკითხში ლენინის პოზიცია არსებითად განსხვავდებოდა კავშიუროს ხაზისაგან.

ლენინს მიაჩნდა „...ამიერკავკასიის რესპუბლიკების ფედერაციის შექმნა აღიარებულ იქნეს პრინციპულად აბსოლუტურად სწორად, რაც უექველად უნდა განხორციელდეს, მაგრამ დაუყოვნებლივ პრაქტიკული განხორციელების მხრივ ნაადრევად, ე. ი. მისი განხორციელება მოითხოვს დროის განსაზღვრულ პერიოდს განხილვის, პროპაგანდისა და საბჭოურად ქვევიდან გატარებისათვის“. შემდეგ, ლენინი საქართველოს, სომხეთის,



აზერბაიჯანის კომპარტიების ცენტრალური კომიტეტებისაგან მოითხოვდა, რომ „ფედერაციის საკითხი დააყენონ უფრო ფართოდ განსახილველად პარტიისა და მუშათა და გლეხთა მასების წინაშე, ენერგიული პროპაგანდა გააჩაღონ ფედერაციის სასარგებლოდ და გაიყვანონ იგი თითოეული რესპუბლიკის საბჭოების ყრილობებზე“.<sup>1</sup>

სწორედ ამას მოითხოვდა საქართველოს კომპარტიის ცენტრალური კომიტეტი.

მეორე დღეს, 29 ნოემბერს, ლენინის პროექტი ამიერკავკასიის რესპუბლიკების ფედერაციის შექმნის საკითხზე ზოგიერთი შესწორებით მიიღო რკპ ცენტრალური კომიტეტის პოლიტბიურომ.

1921 წლის 30 ნოემბერს პოლიტბიურომ განიხილა უთანხმოებანი კავშიუროსა და საქართველოს კომპარტიის ცენტრალურ კომიტეტს შორის ფედერაციის საკითხზე. თავის გადაწყვეტილებაში პოლიტბიურომ დაადასტურა საქართველოს კომპარტიის ცენტრალური კომიტეტის პოზიციის სისწორე იმის შესახებ, რომ ნაადრევია ფედერაცია მისი პრაქტიკულად განხორციელების აზრით, და აუცილებელია ფედერაციის საკითხი დაისვას უფრო ფართოდ პარტიისა და მუშურ-გლეხური მასის განსახილველად.<sup>2</sup>

პოლიტბიუროს 1921 წლის 30 ნოემბრის გადაწყვეტილება დეპეშით ეცნობა საქართველოს კომპარტიის ცენტრალურ კომიტეტს. მეორე დღესვე.

<sup>1</sup> ვ. ი. ლენინი, თხზ., ტ. 33, გვ. 134.

<sup>2</sup> მლიცკა, ფ. 5, აღწ. 2, ს. 32, ფურც. 40.

1 დეკემბერს, საქართველოს კომპარტიის ცენტრალური კომიტეტის პრეზიდიუმმა, რომლის უმრავლესობა უკვე „ნაციონალ-უკლონისტებად“ მონათლეს, განიხილა რკპ ცენტრალური კომიტეტის პოლიტბიუროს დეპეშა ამიერკავკასიის საბჭოთარესპუბლიკების ფედერაციის საკითხზე. საქართველოს კომპარტიის ცენტრალური კომიტეტის პრეზიდიუმის ერთსულოვნად მოწონებულ დადგენილებაში ნათქვამი იყო: „მიღებულ იქნას ცნობად და განუხრელი ხელმძღვანელობისათვის“.<sup>1</sup>

საგულისხმოა, რომ საქართველოს კომპარტიის ცენტრალური კომიტეტის პრეზიდიუმის სხდომას, რომელმაც მიიღო აღნიშნული დადგენილება ფედერაციის შესახებ, ესწრებოდა რვა კაცი, აქედან ხუთი: ოკუჯავა, მდივანი, ქავთარაძე, დუმბაძე, ცინცაძე — ეგრეთ წოდებული ნაციონალ-უკლონისტი იყო.

საქართველოს კომპარტიის ცენტრალური კომიტეტი განუხრელად ასრულებდა მიღებულ გადაწყვეტილებას ამიერკავკასიის ფედერაციის შესახებ, ხოლო კავბიურო უწინდებურად განაგრძობდა საქართველოს კომპარტიის ცენტრალური კომიტეტის აზრის უგულებელყოფას, ამიტომ შემთხვევითი როდია, რომ ამიერკავკასიის ფედერაციის საკითხში უთანხმოება ამ ხელმძღვანელ პარტიულ ორგანოებს შორის სულ უფრო დაძაბულ ხასიათს იღებდა.

---

<sup>1</sup> სკკპ ცკ-თან არსებული მლიცბა, ფ. 14, აღწ. 1, ს. 8, ფურც. 39.

კონფლიქტი, ერთი მხრივ, საქართველოს კომპარტიის ცენტრალურ კომიტეტსა და, მეორე მხრივ, ამიერკავკასიის სამხარეო კომიტეტს შორის განსაკუთრებით გამწვავდა საქართველოს კომპარტიის პირველ ყრილობაზე, რომელიც მიმდინარეობდა 1922 წლის 23 იანვრიდან 1 თებერვლამდე. კავშიურის ხელმძღვანელობის ზეგავლენით ყრილობამ უნდობლობა გამოუცხადა საქართველოს კომპარტიის ეგრეთ წოდებულ უკლონისტურ ცენტრალურ კომიტეტს და აირჩია საქართველოს კომპარტიის ცენტრალური კომიტეტის ახალი შემადგენლობა, რომელშიც უკლონისტები არ შესულან. მდივანისა და მახარაძის გარდა.<sup>1</sup>

თუმცა ამიერკავკასიის სამხარეო კომიტეტმა რკპ ცენტრალურ კომიტეტს სთხოვა დაემტკიცებინა საქართველოს კომპარტიის ახალი შემადგენლობა, მაგრამ რკპ ცენტრალური კომიტეტი არ დაეთანხმა ამიერკავკასიის სამხარეო კომიტეტის აზრს და, რკპ ცენტრალური კომიტეტის საორგანიზაციო ბიუროს 20 თებერვლის გადაწყვეტილებით, საქართველოს კომპარტიის ცენტრალურ კომიტეტში შეიყვანეს მუშაკები „უკლონისტთა“ ჯგუფიდან: ცინცაძე, ქავთარაძე, ტოროშელიძე, რომლებიც ყრილობამ არ აირჩია.<sup>2</sup>

რკპ ცენტრალური კომიტეტის საორგანიზაციო ბიურო, ასაბუთებდა რა თავის გადაწყვეტილებას, აღნიშნავდა, რომ საქართველოს კომპარტიის ცენ-

<sup>1</sup> მლიცა, ფ. 5. აღწ. 2, ს. 32, ფურც. 18.

<sup>2</sup> იქვე.

ტრალური კომიტეტი ვერ იქნება მუშაობისუნარიანი, თუ მის შემადგენლობაში არ შეიყვანენ ძველ მარქსისტ-პრაქტიკოსებს.<sup>1</sup>

1922 წლის აპრილში, როცა „უგვანო კინკლაობა“ საქართველოს კომპარტიის ცენტრალურ კომიტეტსა და ამიერკავკასიის სამხარეო კომიტეტს შორის უკვე გაჩაღებული იყო, ამიერკავკასიის სამხარეო კომიტეტი აბუჩად იგდებდა საქართველოს კომპარტიის ცენტრალური კომიტეტის წევრებს, როგორც „შოვინისტებს“, „უკლონისტებს“ და ა. შ., რკპ ცენტრალური კომიტეტის საორგანიზაციო ბიურომ დაადასტურა, რომ უთანხმოებამ საქართველოში მიიღო უაღრესად მახინჯი და კინკლაობის ხასიათი, აღნიშნა: „ამიერკავკასია, როგორც გლეხური ქვეყანა, კომპარტიის მხრივ მოითხოვს განსაკუთრებულ სიფრთხილეს იმ საქმეში, რომ ნაციონალისტური გადმონაშთებით დასნებოვნებული წვრილბურჟუაზიული მასები ჩააყენოს საბჭოური მშენებლობის საერთო კალაპოტში. შეცდომებს ამ მიმართულებით და წინდაუხედაობას შეიძლება მოჰყვეს წვრილბურჟუაზიული გლეხური და ინტელიგენტური ფენების ჩამოცილება საბჭოთა ხელისუფლებისაგან და საქართველოსა და სომხეთში მათი გადასვლა ანტანტის მხარეს“.<sup>2</sup> ამასთან ერთად რკპ ცენტრალური კომიტეტი ამიერკავკასიის რესპუბლიკების კომპარტიებს ავალებს უეჭველად და უყოყმანოდ გა-

<sup>1</sup> შლიცა, ფ. 5, აღწ. 2, ს. 32, ფურც. 21.

<sup>2</sup> იქვე.

ზახორციელონ გადაწყვეტილება ფედერაციის შესახებ.

თუ მთლიანად დავახასიათებთ უთანხმოებას კავშიუროსა და საქართველოს კომპარტიის ცენტრალურ კომიტეტს შორის ამიერკავკასიის ფედერაციის საკითხში, ხაზგასმით უნდა აღვნიშნოთ: ამ უთანხმოებას არასოდეს არ ჰქონია იდეური ხასიათი, იგი ეხებოდა მხოლოდ ამ იდეის განხორციელების ფორმებსა და მეთოდებს. ვფიქრობთ, შეცდომა არ იქნება, თუ ვიტყვით, რომ ეს უფრო ორივე მხარის პატივმოყვარული ამბიციებისა და სიჭიუტის ნაყოფი იყო. შესაძლოა, კავშიუროს, მხოლოდ შემდეგ ამიერკავკასიის სამხარეო კომიტეტს იმთავითვე რომ გამოეჩინათ მეტი პოლიტიკური მოქნილობა რესპუბლიკების კომპარტიასა ცენტრალური კომიტეტებისადმი ურთიერთდამოკიდებულებაში, სამოქალაქო ომისათვის დამახასიათებელი მბრძანებლურ-ადმინისტრაციული მეთოდებით არ გაერთულებინათ ვითარება, ამ არაჩანსად მოვლენას უაღრესად არასასურველი შედეგებით არ ექნებოდა ადგილი.

### 8. 3. ი. ლენინი: „ერთად და თანასწორად....“

მეორე საკითხი, რომლის ირგვლივაც წარმოიშვა უთანხმოებანი, ერთი მხრივ, რკპ(ბ) ცენტრალურ კომიტეტსა და ამიერკავკასიის სამხარეო კომიტეტს და, მეორე მხრივ, საქართველოს კომპარტიის ცენტრალურ კომიტეტს შორის, იყო საბჭოთა რესპუბლიკების სახელმწიფო გაერთიანების პრინციპების საკითხი. საბჭოთა რესპუბლიკების ერთიან სახელმწიფოდ გაერთიანების კონკრეტული გზების განსაზღვრისათვის შეიქმნა კომისია, რომელშიც შედიოდნენ ი. ბ. სტალინი, ვ. ვ. კუიბიშევი, გ. კ. ორჯონიკიძე, ა. თ. მიასნიკოვი, გ. ი. პეტროვსკი, ბ. გ. მდივანი და სხვები.

კომისიამ მოიწონა პროექტი, რომელიც მოამზადა სტალინმა და რომელსაც უწოდა „ავტონომიზაციის გეგმა“. იგი ითვალისწინებდა რესპუბლიკების გაერთიანებას რსფსრ რესპუბლიკის ფარგლებში ავტონომიის საფუძველზე.

სტალინის თეზისები ავტონომიზაციის შესახებ ძირეულად ეწინააღმდეგებოდა პარტიის ეროვნული პოლიტიკის ყველა დიდმნიშვნელოვან ლენინურ პრინციპს, რომლებიც მოითხოვდნენ რუსე-

ათის ხალხთა თანასწორობასა და სუვერენიტეტს, რუსეთის ხალხთა თავისუფალი თვითგამორკვევის უფლებას თვით გამოყოფამდე და დამოუკიდებელი სახელმწიფოს შექმნამდე, ყველა და ყოველგვარი ეროვნული და ეროვნულ-რელიგიური პრივილეგიისა და შეზღუდვის გაუქმებას, რუსეთის ტერიტორიაზე მოსახლე ეროვნულ უმცირესობათა და ეთნოგრაფიული ჯგუფების თავისუფალ განვითარებას.

შეიძლება სინანულით აღინიშნოს, რომ ამ ლენინურ პრინციპებსა და სტალინის თეზისებს შორის არაფერია საერთო, ოდნავი სიტყვიერი დამთხვევა კი.

მალე პროექტი „ავტონომიზაციის“ შესახებ განსახილველად დაეგზავნათ მოკავშირე რესპუბლიკების კომპარტიათა ცენტრალურ კომიტეტებს. საქართველოს კომპარტიის ცენტრალური კომიტეტის პლენუმმა 1922 წლის 15 სექტემბერს განიხილა სტალინის თეზისები და დაადგინა: „ამხ. სტალინის თეზისების საფუძველზე წამოყენებული დამოუკიდებელი რესპუბლიკების ავტონომიზაცი-

---

1 ეს პრინციპები ჩამოყალიბებულია საბჭოთა მთავრობის სპეციალურ დადგენილებაში, რომელიც ცნობილია როგორც „რუსეთის ხალხთა უფლებების დეკლარაცია“. იგი მიიღეს მალე დიდი ოქტომბრის გამარჯვების შემდეგ, 1917 წლის 8 ნოემბერს, როცა საბჭოთა ხელისუფლება ჯერ კიდევ არ იყო დამყარებული ყოფილი მეფის იმპერიის ბეერ განაპირა მხარეში. ამიტომ სიტყვაში „რუსეთის“ იგულისხმებოდა მეფის პერიოდის რუსეთის მთელი ტერიტორია.

ის ფორმით გაერთიანება ნაადრევად ჩაითვალოს. სამეურნეო ძალისხმევის გაერთიანება და საერთო პოლიტიკა აუცილებლად მიგვაჩნია, მაგრამ დამოუკიდებლობის ყველა ატრიბუტის შენარჩუნებით".<sup>1</sup>

საქართველოს კომპარტიის ცენტრალური კომიტეტის რეზოლუციას ხმა მისცა 31-მა კაცმა, თეზისებს ავტონომიზაციის შესახებ — 7 კაცმა, სახელდობრ ორჯონიკიძემ, ენუქიძემ, ლოლობერიძემ, კიროვმა, სოკოლნიკოვმა, კახიანმა, ელიავამ, თავი შეიკავა ცხაკაიამ.

ასე დაიწყო საქართველოს კომპარტიამ ბრძოლა „ავტონომიზაციის“ იდეების წინააღმდეგ.

მეორე დღეს, 16 სექტემბერს, ამიერკავკასიის სამხარეო კომიტეტი იღებს გადაწყვეტილებას, რომლითაც საქართველოს კომპარტიის ცენტრალურ კომიტეტს ავალებს — არ გააცნოს რესპუბლიკის პარტიულ ორგანიზაციებს ზემოაღნიშნული დადგენილება, უფრო მეტიც, აწარმოოს მუშაობა მასებში სტალინის თეზისების სულისკვეთებით.<sup>2</sup> ეს ნიშნავდა, რომ ამიერკავკასიის სამხარეო კომიტეტმა ფაქტიურად გააუქმა საქართველოს კომპარტიის ცენტრალური კომიტეტის პლენუმის 15 სექტემბრის გადაწყვეტილება, რამაც კიდევ უფრო გაამწვავა კონფლიქტური სიტუაცია მათს ურთიერთობაში.

---

<sup>1</sup> მლიცა, ფ. 17, აღწ. 4, ს. 315, ფურც. 43.

<sup>2</sup> იქვე.



ამიერკავკასიის სამხარეო კომიტეტს მხარი დაუჭირა რკპ(ბ) ცენტრალურმა კომიტეტმა. 25 სექტემბერს რკპ ცენტრალური კომიტეტის საორგანიზაციო ბიურომ განიხილა ამიერკავკასიის სამხარეო კომიტეტისა და საქართველოს კომპარტიის ცენტრალური კომიტეტის ურთიერთობა ორივე მხარის წარმომადგენელთა მონაწილეობით, სწორად ცნო ამიერკავკასიის სამხარეო კომიტეტის ორგანიზაციული და პოლიტიკური ხაზი და საქართველოს კომპარტიის ცენტრალურ კომიტეტს განუმარტა, რომ ამიერკავკასიის სამხარეო კომიტეტი წარმოადგენს ამიერკავკასიაში ჩვენი პარტიის უმაღლეს ორგანოს და აღჭურვილია რკპ ცენტრალური კომიტეტის ნდობით.<sup>1</sup>

მალე ამიერკავკასიის სამხარეო კომიტეტის ზოგიერთმა ხელმძღვანელმა, რომლებიც იცავდნენ „ავტონომიზაციის“ პროექტს, დაადანაშაულა საქართველოს კომპარტიის ცენტრალური კომიტეტის ხელმძღვანელობა, რომ იგი უარყოფდა ქართველი ხალხის მეგობრობას რუს ხალხთან, საბჭოთა რუსეთთან.

სინამდვილეში კი, საქართველოს პარტიული ორგანიზაციის გარდა, „ავტონომიზაციის“ პროექტის წინააღმდეგ გაილაშქრა ბელორუსიის პარტიულმა ორგანიზაციამ. ასეთივე ტენდენცია შეიმჩნეოდა უკრაინაშიც, თუმცა უკრაინის კომპარტიის ცენტრალურ კომიტეტს ეს პროექტი არ განუხილ-

---

<sup>1</sup> მლიცკა, ფ. 5, აღწ. 2, ს. 32, ფურც. 22

ავს. პირადად უკრაინის ცენტრალური კომიტეტის მდივანი დ. ზ. მანუილსკი მხარს უჭერდა ავტონომიზაციის პროექტს. სტალინისადმი 1922 წლის 4 სექტემბრის წერილში იგი აყენებდა იდეას: „მოსკოვს სოციალისტური რესპუბლიკები და შვიცვალოს ისინი ფართო რეალური ავტონომიით... საჭიროა მხოლოდ ამ ღონისძიების რეალიზაცია მოხდეს ისე, რომ ინიციატივა მომდინარეობდეს ეროვნული საბჭოების ყრილობებიდან და თავისი საკანონმდებლო დასრულება პოვოს სრულიად რუსეთის ყრილობაზე დეკემბერში“.<sup>1</sup>

ვ. ი. ლენინი, რომელიც უკვე გაეცნო „ავტონომიზაციის“ პროექტს, მაგრამ ჯერ კიდევ არ გამოეთქვა თავისი დამოკიდებულება მისადმი, განსაკუთრებულ დაინტერესებას იჩენდა იმის მიმართ, თუ როგორ წყვეტდა რკპ(ბ) ცენტრალური კომიტეტი საბჭოთა რესპუბლიკებს შორის ურთიერთობის საკითხს.

1922 წლის 22 სექტემბერს ლენინი სწერს ბარათს სტალინს და სთხოვს აცნობოს, პრაქტიკულად რა კეთდება ამ სფეროში.

იმავე დღეს სტალინი ლენინს უგზავნის ბარათზე პასუხს, რომელშიც ახასიათებს ვითარებას საბჭოთა რესპუბლიკების ურთიერთდამოკიდებულებაში და წერს: „ჩვენ ისეთ მდგომარეობაში აღმოვჩნდით, როცა ურთიერთობის არსებული წესრიგი ცენტრსა და საბჭოთა რესპუბლიკებს შო-

---

<sup>1</sup> მლიკა. ფ. 5. აღწ. 2, ს. 28, ფურც. 22.

რის, ე. ი. ყოველგვარი წესრიგის არარსებობა და სრული ქაოსი, აუტანელი ხდება, იწვევს კონფლიქტებს, წყენას, გაგულისებას, ფიქციად აქცევს ე. წ. ერთიან ფედერაციულ სახალხო მეურნეობას, ამუხრუქებს და აღუნებს ყოველგვარ სამეურნეო საქმიანობას საერთო რუსეთის მასშტაბით“.<sup>1</sup>

შემდეგ წერილში სტალინი აღნიშნავს, რომ „ფორმალურად რსფს რესპუბლიკის სახკომსაბკოს, შრომისა და თავდაცვის საბკოს, სრულიად რუსეთის ცაკის გადაწყვეტილებანი არასავალდებულოა დამოუკიდებელი რესპუბლიკებისათვის, ამასთან ეს დაწესებულებანი ძალიან ხშირად აუქმებენ დამოუკიდებელი რესპუბლიკების ცენტრალურ დაწესებულებათა დადგენილებებს, რაც იწვევს ამ უკანასკნელთა პროტესტებს მოსკოვის ცენტრალურ დაწესებულებათა „უკანონო მოქმედების“ წინააღმდეგ“.<sup>2</sup>

სტალინის წერილში აღნიშნულია, რომ „რკპ(ბ) ცენტრალური კომიტეტის ჩარევა ასეთ შემთხვევებში ხდება ჩვეულებრივ მას შემდეგ, რაც განაპირა მხარეების ცენტრალურმა დაწესებულებებმა უკვე გამოსცეს თავიანთი დეკრეტები, რომლებსაც შემდეგ აუქმებენ მოსკოვის ცენტრალური დაწესებულებანი, ეს კი აჯანჯლებს და აფერხებს სამეურნეო საქმეებს, განაპირა მხარეებში იწვევს უპარტიოების გაოცებას და კომუნისტების გაგულისებას“.<sup>3</sup>

---

<sup>1</sup> მლიცკა, 5. აღწ. 2, ს. 28, ფურც. 19.

<sup>2</sup> იქვე.

<sup>3</sup> იქვე.

მთავარ მიზეზს, რომელსაც მოჰყვა ვითარების დაძაბვა საბჭოთა რესპუბლიკების ურთიერთობაში, სტალინი შემდეგნაირად ხსნის: „სამოქალაქო ომის ოთხი წლის მანძილზე, როცა ინტერვენციის გამო იძულებული ვიყავით გვეჩვენებინა მოსკოვის ლიბერალიზმი ეროვნულ საკითხში, მოვასწარიტ, ჩვენი ნების წინააღმდეგ, კომუნისტებს შორის ალგვეზარდა ნამდვილი და თანამიმდევრული სოციალ-დამოუკიდებლები, რომლებიც მოითხოვდნენ ნამდვილ დამოუკიდებლობას ყველა აზრით და რკ ცენტრალური კომიტეტის ჩარევა მოსკოვის მხრივ მოტყუებად და პირფერობად მიაჩნდათ“.<sup>1</sup>

შემდეგ სტალინი წერს: „ჩვენ განვითარების ისეთი ხანა დაგვიდგა, როცა არ შეიძლება უგულუბელვყოთ ფორმა, კანონი, კონსტიტუცია, როცა კომუნისტების ახალგაზრდა თაობა განაპირა მხარეებში უარს ამბობს დამოუკიდებლობანას თამაში გაიგოს როგორც თამაში, შეუპოვრად ცნობს დამოუკიდებლობის შესახებ სიტყვებს კეშმარიტებად და აგრეთვე შეუპოვრად მოითხოვს ჩვენგან მედავითნურად განვახორციელოთ დამოუკიდებელი რესპუბლიკების კონსტიტუციები“.<sup>2</sup>

და შემდეგ: „თუ ჩვენ ახლავე არ შევეცდებით ცენტრსა და განაპირა მხარეებს შორის ურთიერთობის ფორმა შეეუსაბამოთ ფაქტიურ ურთიერთობას, რომლის ძალითაც განაპირა მხარე-

<sup>1</sup> მლიცა, ფ. 5, აღწ. 2, ს. 28, ფურც. 19.

<sup>2</sup> იქვე, ფურც. 19-20.

ები ყოველივე ძირითადში აუცილებლად უნდა ემორჩილებოდნენ ცენტრს, ე. ი. თუ ჩვენ ახლავე არ შევცვლით ფორმალურ (ფიქტიურ) დამოუკიდებლობას ფორმალურივე (და ამასთან ერთად რეალური) ავტონომიით, მაშინ ერთი წლის შემდეგ შეუდარებლად ძნელი იქნება დავიცვათ საბჭოთა რესპუბლიკების ფაქტიური ურთიერთობა.

ახლა საქმე ეხება არა იმას, რომ არ „ვაწყენინოთ“ ნაციონალებს; ერთი წლის შემდეგ, ალბათ საქმე შეეხება იმას, როგორ არ გამოვიწვიოთ განხეთქილება პარტიაში ამ ნიადაგზე, ვინაიდან „ნაციონალური“ სტიქია განაპირა მხარეებში მოქმედებს არა საბჭოთა რესპუბლიკების სასარგებლოდ, ხოლო ფორმალური დამოუკიდებლობა ხელს უწყობს ამ მოქმედებას“.<sup>1</sup>

ორში ერთი, წერდა სტალინი: „...ან ნამდვილი დამოუკიდებლობა და მაშინ — ცენტრის ჩაურევლობა, თავისი შინსახკომი, თავისი საგარეო ვაჭრობა, თავისი საკონცესიო კომიტეტი, თავისი რკინიგზები, ამასთან საერთო საკითხები წყდება თანასწორის თანასწორთან მოლაპარაკების წესით, შეთანხმების მიხედვით, ხოლო რსფსრ ცაკის, სახკომსაბჭოს და შრომისა და თავდაცვის საბჭოს დადგენილებები სავალდებულო არ არის დამოუკიდებელი რესპუბლიკებისათვის; ან საბჭოთა რესპუბლიკების ნამდვილი გაერთიანება ერთ სამეურნეო მთელად, რსფსრ სახკომსაბჭოს, შრომისა და თავდაცვის საბჭოს და ცაკის ხელისუფ-

<sup>1</sup> მლიცა, ფ. 5, აღწ. 2, ს. 28, ფურც. 20.

ლების ფორმალური გაერცელება დამოუკიდებელი რესპუბლიკების სახკომსაბკოზე, ცაკსა და ეკონომიკურ საბკოებზე, ე. ი. ფიქტიური დამოუკიდებლობის შეცვლა რესპუბლიკების ნამდვილი შინაგანი გაერთიანებით ენის, კულტურის, იუსტიციის, შინაგან საქმეთა, მიწათმოქმედებისა და სხვა აზრით“.<sup>1</sup>

წერილის ბოლოს სტალინი ლენინს სთავაზობს თავის გეგმას, რომელიც მას მიაჩნდა საბკოთა რესპუბლიკებს შორის ნორმალური ურთიერთობის მოგვარების ერთადერთ გზად:

„ჩემი გეგმაა:

1. ბუხარის, ხივის და შორეული აღმოსავლეთის (რომელიც ჯერ არ გასაბკოებულა) საკითხი ჯერჯერობით ღიად დარჩეს, ე. ი. ჯერჯერობით არ სიეცეთ ავტონომიზაცია.

2. დანარჩენი ხუთი დამოუკიდებელი რესპუბლიკის მიმართ (უკრაინა, ბელორუსია, საქართველო, აზერბაიჯანი და სომხეთი) მიზანშეწონილად იქნას ცნობილი ავტონომიზაცია, რათა სრულიად რუსეთის საბკოების ყრილობისათვის ცაკმა და ამ რესპუბლიკებმა თვითონ ნებაყოფლობით გამოთქვან სურვილი უფრო მკიდრო ურთიერთობა დაამყარონ მოსკოვთან ავტონომიის საწყისებზე (მე უკვე მაქვს აზერბაიჯანისა და სომხეთის კომპარტიების ცეკას განცხადება იმის შესახებ, რომ სასურველია ავტონომიზაცია, და საქართველოს კომპარტიის ცეკას განცხადება, რომ სასურველია ფორმალური დამოუკიდებლობის შენარჩუნება“.<sup>2</sup>

<sup>1</sup> შლიცა, ფ. 5, აღწ. 2, ს. 28. ფურც. 20-21.

<sup>2</sup> იქვე.

ჩვენ შემთხვევით როდი მოვიყვანეთ ეს ნაწყვეტები სტალინის ზემოაღნიშნული წერილიდან. სტალინის პასუხი ლენინის ბარათზე, ისევე როგორც სტალინის თეზისები „ავტონომიზაციის“ შესახებ, გარეგნულად ამოცანად სახავდნენ საბჭოთა რესპუბლიკების ერთიანობასა და განუყოფლობას, ნამდვილად კი ამ დოკუმენტებში ჩამოყალიბებულ სტალინის იდეას აშკარად დიდმპყრობელურ-შოვინისტური ხასიათი ჰქონდა. ლენინურ დებულებათა საპირისპიროდ „ავტონომიზაციის“ პროექტი ოდნავაც არ ითვალისწინებდა დამოუკიდებელი საბჭოთა რესპუბლიკების სურვილს — ყოფილიყვნენ. „თავისი საქმის ბატონ-პატრონნი“. „ავტონომიზაციის“ თეზისები და სტალინის წერილი ასახავდნენ სწრაფვას — უწინდებურად დაკანონებულიყო რუსეთის გაბატონებული მდგომარეობა ყველა მის ყოფილ განაპირა მხარეზე, რომლებმაც დიდი ოქტომბრის გამარჯვების შედეგად მოიპოვეს უფლება ყოფილიყვნენ „ერთად და თანასწორად“ ერთმანეთთან.

სტალინი არ დალოდებია ლენინის მითითებებს და 23 სექტემბერს მოიწვია რკპ(ბ) ცენტრალური კომიტეტის საორგანიზაციო კომისიის სხდომა. ეს კომისია შეიქმნა იმისათვის, რომ მოემზადებინა რსფს რესპუბლიკასა და დამოუკიდებელ საბჭოთა რესპუბლიკებს შორის ურთიერთობის საკითხი. კომისიის სხდომამ, რომელიც მიმდინარეობდა 23 და 24 სექტემბერს, საფუძვლად მიიღო „ავტონომიზაციის“ პროექტი. კომისიამ სპეციალური

პუნქტით უარყო საქართველოს კომპარტიის ცენტრალური კომიტეტის პლენუმის მიერ 1922 წლის 15 სექტემბერს მიღებული რეზოლუცია. უარყო აგრეთვე გ. ი. პეტროვის წინადადება — ნება დაერთოთ კომისიის მიერ მიღებული გადაწყვეტილებანი განეხილათ საგუბერნიო კომიტეტების ბიუროებზე. ამის შემდეგ პეტროვსკიმ მოითხოვა კომისიის ოქმში შეეტანათ, რომ უკრაინის კომპარტიის ცენტრალურ კომიტეტს არ განუხილავს საკითხი „დამოუკიდებელ რესპუბლიკებთან რსფს რესპუბლიკის ურთიერთობის შესახებ“.

25 სექტემბერს კომისიის სხდომის ყველა მასალა, აგრეთვე საქართველოს, აზერბაიჯანისა და სომხეთის კომპარტიების ცენტრალური კომიტეტების რეზოლუციები ლენინს გაეგზავნა გორკაში. ამავე დროს რკპ(ბ) ცენტრალური კომიტეტის სამდივნომ რეზოლუცია დაუგზავნა რკპ(ბ) ცენტრალური კომიტეტის ყველა წევრსა და კანდიდატს ისე, რომ ამის თაობაზე არ ჰქონია ლენინის მითითება და ეს საკითხი არ განუხილავს პოლიტბიუროში.

როგორი იყო ლენინის დამოკიდებულება „ავტონომიზაციის“ პროექტისადმი? გ. ი. ლენინმა და პარტიამ უარყვეს ეს პროექტი.

გაეცნო რა კომისიის მასალებს და სტალინის წერილს, ლენინმა 26 სექტემბერს დაწერა „წერილი ლ. ბ. კამენევს რკპ(ბ) ცენტრალური კომიტეტის პოლიტბიუროს წევრებისათვის“. ლენინი რკპ(ბ) ცენტრალური კომიტეტის პოლიტბიუროს



წევრებს აცნობებდა, რომ იგი ესაუბრა სტალინს იმ რეზოლუციის თაობაზე, რომელიც შეადგინა კომისიამ დამოუკიდებელი რესპუბლიკების რსფს რესპუბლიკაში შესვლის შესახებ (ლაპარაკია „ავტონომიზაციის“ პროექტზე - გ. ე.).<sup>1</sup> ლენინი პოლიტიურად წევრებს ატყობინებდა აგრეთვე შემდეგს: „ხვალ ვნახავ მდივანს (ქართველი კომუნისტი, „დამოუკიდებლობაში“ ეკვიპიტანილი)“.<sup>2</sup> სიტყვა „დამოუკიდებლობა“ ბრკვალ-ებში ტყუილად როდია ჩასმული. საქმე ის არის, რომ ლენინი სრულიადაც არ თვლიდა საქართველოს კომპარტიის ცენტრალური კომიტეტის პასუხისმგებელ მუშაკთა გამოსვლას „ავტონომიზაციის“ წინააღმდეგ იმის ცდად, რომ მოეხდინათ საქართველოს იზოლაცია საბჭოთა რუსეთისაგან, სხვა ხალხებისაგან.

შემდეგ, ეხებოდა რა სსრ კავშირის შექმნის, როგორც არქიმნიშენელოვან საკითხს, ლენინი წერდა: „სტალინს, ეტყობა, ცოტა ეჩქარება... მთავარია სათქმელი არ მივცეთ „დამოუკიდებლობებს“ არ ვსპობდეთ მათს და დამოუკიდებლობას, არამედ ვქმნიდეთ... თ ა ნ ა ს წ ო რ უ ფ ლ ე ბ ი ა ნ ი რესპუბლიკების ფედერაციას“.<sup>3</sup>

სიტყვებში: „არ ვსპობდეთ მათს დამოუკიდებლობას“ ვ. ი. ლენინი გულისხმობდა რეზოლუციის პროექტს „დამოუკიდებელ რესპუბლიკებთან რსფს

---

1 ვ. ი. ლენინი. თხზ., ტ. 42, გვ. 482-483.

2 იქვე.

3 იქვე.

რესპუბლიკის ურთიერთობის შესახებ“, რომელიც ფაქტიურად გამორიცხავდა დამოუკიდებელი რესპუბლიკების არსებობას. სწორედ ამიტომ ილაშქრებდა საქართველოს კომპარტიის ცენტრალური კომიტეტის ხელმძღვანელობა „ავტონომიზაციის“ წინააღმდეგ. ეს იყო იმის ერთ-ერთი მიზეზი, რომ ისინი „ნაციონალ-უკლონისტებად“ მონათლეს.

ლენინის აღნიშნული წერილი შეიცავდა მთელ რიგ არსებით შენიშვნებსა და წინადადებებს „ავტონომიზაციის“ პროექტის მიმართ. ვ. ი. ლენინმა ფაქტიურად წარმოადგინა ადრინდელი პროექტისაგან პრინციპულად განსხვავებული საბჭოთა რესპუბლიკების გაერთიანების პროექტი. „ეს ჩემი წინასწარი პროექტია. მდივანთან და სხვ. ამხანაგებთან საუბრების საფუძველზე დავუმატებ და შევეცვლი“<sup>1</sup> — ამ სიტყვებით მთავრდება წერილი პოლიტბიუროს წევრებისადმი.

და, მართლაც, მეორე დღეს, 27 სექტემბერს, ლენინი შეხვდა ბ. მდივანს, ხოლო 29 სექტემბერს — მ. ოკუჯავას, ლ. დუმბაძეს და კ. ცინცაძეს. ორივე შემთხვევაში საუბრის მთავარი შინაარსი იყო საბჭოთა რესპუბლიკების გაერთიანების საკითხი.

„ავტონომიზაციის“ პროექტზე ლენინის შენიშვნებთან დაკავშირებით სტალინი 27 სექტემბერს სწერს წერილს ლენინსა და პოლიტბიუროს წევრებს: ზინოვიევს, კალინინს, კამენევს, მოლოტოვს, რიკოვს, ტომსკის, ტროცკის (პასუხი ამხ. ლენინის

---

<sup>1</sup> ვ. ი. ლენინი. თხზ., ტ. 42, გვ. 484.

წერილზე ამხ. კამენევისადმი). ერთ შენიშვნასთან დაკავშირებით სტალინი ლენინის პოზიციას აფასებს როგორც „ეროვნულ ლიბერალიზმს“.

მდივანთან და საქართველოს კომპარტიის სხვა წევრებთან საუბრის შემდეგ ვ. ი. ლენინმა აუცილებლად მიიჩნია ახალი დამატებანი შეეტანა საბჭოთა რესპუბლიკების გაერთიანების პროექტში, რომელიც უნდა განეხილათ 6 ოქტომბერს რკპ(ბ) ცენტრალური კომიტეტის პოლიტბიუროს სხდომაზე. მაგრამ ვინაიდან ჯანმრთელობის მდგომარეობის გამო ლენინს არ შეეძლო დასწრებოდა პლენუმს, იგი ბარათს სწერს ლ. ბ. კამენევს. ეს ბარათი მოკლეა, სულ ცხრა სტრიქონისაგან შედგება, მაგრამ მასში დაყენებულია დიდი, პრინციპული მნიშვნელობის საკითხი, რომელიც დღემდე ინარჩუნებს თავის სახელმძღვანელო მნიშვნელობას.

ლენინის ბარათის პირველი აბზაცი იწყება ასე: „ველიკორუსულ შოვინიზმს ვუცხადებ სამკვდროსასიცოცხლო ბრძოლას. როგორც კი განვთავისუფლდები ამ წყეული კბილისაგან, ჩემივე საღი კბილებით დავგლეჯ მას“.<sup>1</sup>

ვფიქრობ, ამ სტრიქონებში არაფერია გაუგებარი. ცნობილია, რომ ვ. ი. ლენინი სრულიად უკომპრომისოდ იბრძოდა როგორც დიდმპყრობელური შოვინიზმის, ისე ადგილობრივი ნაციონალიზმის წინააღმდეგ, და ასეთი მტკიცე გამოთქმა ამ საკითხზე პლენუმის მუშაობის დაწყების დღეს შემთხვევითი არ იყო. „ავტონომიზაციის“ პროე-

<sup>1</sup> ვ. ი. ლენინი. თხზ., ტ. 33. გვ. 438.

ქტში ლენინი ხედავდა დიდმპყრობელური შოვი-  
ნიზმის რეციდივის გამოვლენას.

კიდევ უფრო მნიშვნელოვანია ლენინის ბარა-  
თის მეორე, უკანასკნელი, აბზაცი, სადაც იგი სრუ-  
ლიად გადაჭრით აყენებს საკითხს, რომ სსრ კავ-  
შირის შექმნის შესახებ რეზოლუციის პროექტში  
შევიდეს შემდეგი დებულება: „საჭიროა ა ბ ს ო-  
ლ უ ტ უ რ ა დ დაჯინებით მოვითხოვოთ, რომ კავ-  
შირის ცაკ-ში რიგრიგობით თ ა ვ მ ჯ დ ო მ ა რ ე ო-  
ბ დ ნ ე ნ

რუსი

უკრაინელი

ქართველი და სხვ.

ა ბ ს ო ლ უ ტ უ რ ა დ!“<sup>1</sup>

ეს სტრიქონები ნათელ წარმოდგენას გვაძლე-  
ვენ იმაზე, თუ რა მნიშვნელობას ანიჭებდა  
ვ. ი. ლენინი საბჭოთა რესპუბლიკების თანასწორ-  
უფლებიანობისა და დამოუკიდებლობის უზრუნ-  
ველყოფის გარანტიებს.

რკპ(ბ) ცენტრალური კომიტეტის პლენუმმა  
მოიწონა სსრ კავშირის შექმნის იდეა. პლენუმზე  
ლენინის პროექტს სრულიად ძალდაუტანებლად,  
უყოყმანოდ ხმა მისცა ბუდუ მდივანმაც, რომელ-  
საც „ნაციონალ-უკლონიზმის“ ლიდერს უწოდებ-  
დნენ.

ამრიგად, ლენინის პრინციპულმა ბრძოლამ  
„ავტონომიზაციის“ გეგმის წინააღმდეგ ისტორი-

---

<sup>1</sup> ვ. ი. ლენინი, თხზ., ტ. 33, გვ. 438.

ული საქმე გააკეთა. სწორედ ამიტომ ვამბობთ, რომ ლენინი სსრ კავშირის შექმნის სული და გულია.

პლენუმის მესამე დღეს, 8 ოქტომბერს, ბ. მდივანი თბილისში წერილს უგზავნის ს. ქავთარაძეს, რომელშიც ატყობინებს: „თავდაპირველად (ულენინოდ) ჩვენ დერჟიმორდულად გვირტყამდნენ, აბუჩად გვიგდებდნენ, შემდეგ კი, როცა ლენინი ჩაერია, მასთან ჩვენი შეხვედრის მერე და მივაწოდეთ დაწვრილებითი ინფორმაცია, საქმე კომუნისტური გონიერებისაკენ მობრუნდა... ურთიერთობის საკითხში მიღებულია ნებაყოფლობითი კავშირი თანასწორობის საფუძველზე და ყოველივე ამის შედეგად ჩვენ წინააღმდეგ დახუთული ატმოსფერო გაიწმინდა; პირიქით, ცენტრალური კომიტეტის პლენუმზე თავს დაესხნენ დიდმპყრობელებს — სწორედ ასე ამბობდნენ ბუხარინი, ზინოვიევი, კამენევი და სხვები. პროექტი, რა თქმა უნდა, ლენინს ეკუთვნის, მაგრამ ის შეიტანეს სტალინის, ორჯონიკიძის და სხვების სახელით, რომლებმაც მაშინვე იცვალეს ფრონტი... კამათმა ცხადყო, რომ ცენტრალური კომიტეტის გარკვეული ნაწილი პირდაპირ უარყოფს ეროვნული საკითხის არსებობას და მთლიანად მიჰყვება დიდმპყრობელურ ტენდენციებს. მაგრამ ამ ნაწილს ისეთი სილა გააწნეს, რომ დიდხანს ვერ გაბედავს ცხვირი გამოყოს სოროდან. სადაც იგი ლენინმა შეაძვრინა (მის განწყობილებას შეიტყობ მის, იმ წერილიდან, რომელიც გამოაქვეყნეს სხდომის დასასრულს,

საკითხის გადაწყვეტის შემდეგ). იცოდე, არ დაკარგო წერილი, ძლივს გამოვთხოვე კამენევს... ატმოსფერო ოდნავ გაიწმინდა, მაგრამ შეიძლება ისევ დაიძაბოს...“.

შემდგომ მართლაც ასე მოხდა.

#### 4. ბრძოლა უფრო შეურიგებელი ხდება

სსრ კავშირის შექმნით პარტიამ სერიოზული ნაბიჯი გადადგა წინ თავისი ეროვნული პოლიტიკის თეორიისა და პრაქტიკის განვითარებაში.

ლენინის გენიალური პროექტი, რომელიც დამტკიცა რკპ(ბ) ცენტრალურმა კომიტეტმა, ერთსულოვნად მოიწონა საქართველოს კომპარტიის ცენტრალურმა კომიტეტმა და მიიღო „განუხრელი ხელმძღვანელობისათვის“.<sup>1</sup> ამასთან ერთად დაისვა საკითხი იმის შესახებ, რომ საქართველოს ჰქონოდა შესაძლებლობა უკრაინისა და ბელორუსიის მსგავსად უშუალოდ შესულიყო სსრ კავშირის შემადგენლობაში.<sup>2</sup> ვფიქრობთ, საქართველოს კომპარტიის ცენტრალური კომიტეტის ამ პოზიციაში არაფერია პარტიის ეროვნული პოლიტიკის საწინააღმდეგო. იმ პირობებში, როცა რეალურად ხორცი შეესხა საბჭოთა რესპუბლიკების ურთიერთობის ახალ, უფრო სრულყოფილ ფორმებს, ამიერკავკასიის ფედერაციის არსებო-

<sup>1</sup> მლიცკა, ფ. 5, აღწ. 2, საქ. 32, ფურც. 73.

<sup>2</sup> იქვე.

ბა არ იყო მაინცდამაინც აუცილებელი. მით უმეტეს, რომ ეს დამატებითი ბარიერი ერთგვარად ზღუდავდა ამიერკავკასიის რესპუბლიკების უფლებებს უკრაინასა და ბელორუსიასთან შედარებით.

მაგრამ, ამის მიუხედავად, რკ(ბ) ცენტრალური კომიტეტის პლენუმმა 17 ოქტომბერს უარყო საქართველოს კომპარტიის ცენტრალური კომიტეტის გადაწყვეტილება სსრ კავშირში საქართველოს უშუალოდ შესვლის შესახებ, ამასთან კვლავ ხაზი გაუსვა იმ აუცილებლობას, რომ იგი კავშირში შესულიყო ამიერკავკასიის ფედერაციის მეშვეობით. ამას მოჰყვა ს. ორჯონიკიძის მთელი რიგი დაუშვებელი გამოსვლები საქართველოს კომპარტიის ცენტრალური კომიტეტისა და ძველი მუშაკების წინააღმდეგ. იგი ხშირად ლანძღავდა ცალკეულ ხელმძღვანელებს, ემუქრებოდა რეპრესიებით, რესპუბლიკის სახალხო კომისართა საბჭოს, ე. ი. პირველი საბჭოთა მთავრობის, თავმჯდომარეს ს. ქავთარაძეს „უმაქნის თავმჯდომარეს“ უწოდებდა,<sup>1</sup> ლ. დუმბაძეს — „სულელსა და პროვოკატორს“, ბუდუ მდივანს — „სპეკულანტს, მედუქნეს“.<sup>2</sup> ორჯონიკიძე საგანგებო კომისიის თავმჯდომარეს კ. ოკუჯაევას დაემუქრა: „დაგაპატიმრებ, დაგხერეტ“.<sup>3</sup>

საქართველოს კომპარტიის ცენტრალური კომი-

<sup>1</sup> შლიცა, ფ. 5, აღწ. 2. საქ. 32. ფურც. 32.

<sup>2</sup> იქვე, ფურც. 75.

<sup>3</sup> იქვე, ფურც. 66.



ტეტის მდივანი მ. ორახელაშვილი პასუხისმგებელ მუშაკთა ერთ-ერთ კრებაზე საქართველოს პარტიულ ორგანიზაციას „არამზადათა ორგანიზაციას“ უწოდებს. 1922 წლის 20 სექტემბერს პლენუმის სხდომაზე ორჯონიკიძემ ოფიციალურად განაცხადა, რომ „პარტიის მეთაურობა შოვინისტური და დამპალია, რომელიც უნდა განაზღვრეს“.<sup>1</sup>

საქართველოს კომპარტიის ცენტრალური კომიტეტის სახელის გასატეხად საღებავებს არ იშურებდა ბ. ლომინაძე, რომელიც შემდგომ საქართველოს კომპარტიის ცენტრალური კომიტეტის მდივანი გახდა. იგი მათ უწოდებდა „ნაციონალ-კომუნისტებს, რომლებიც მენშევიკებისაკენ გადაიხარნენ და ობიექტურად წვრილი ბურჟუაზიის პოზიციას იცავდნენ“.<sup>2</sup>

(ბრკეალებში ჩასმული სიტყვები აღებულია რკპ(ბ) ცენტრალური კომიტეტის კომისიის მასალებიდან).

ყოველივე ამის შედეგად ურთიერთობა საქართველოს კომპარტიის ცენტრალური კომიტეტის ხელმძღვანელობასა და ამიერკავკასიის სამხარეო კომიტეტს შორის კიდევ უფრო გამწვავდა. 20 ოქტომბერს საქართველოს კომპარტიის ცენტრალური კომიტეტის ხელმძღვანელობამ პირდაპირი მავთულით ვ. ი. ლენინისათვის გადასცა ბარათი, რომელშიც ნათქვამია იმ დევნის შესახებ, რასაც ისინი განიცდიდნენ ამიერკავკასიის სამხარეო კომ-

<sup>1</sup> მლიცა, ფ. 5, აღწ. 2, ს. 32, ფურც. 75.

<sup>2</sup> იქვე.

მიტეტისა და განსაკუთრებით ორჯონიკიძის მხრივ.

„გამოუვალა მდგომარეობა, რომელიც შეიქმნა აქ. საქართველოში, — ამბობდნენ ისინი. — გვაიძულებს შეგაწუხოთ თქვენ. გთხოვთ ყოველივე ქვემოაღნიშნული გადასცეთ ამხ. ლენინს: დარწმუნებული ვართ, რომ მისი და თქვენი აბსოლუტური გადაწყვეტილება ბოლოს მოუღებს იმ ანარქიასა და ნგრევას, რაც ახლა კატასტროფულ ხასიათს იღებს. ორჯონიკიძის თავნებობას არავითარი საზღვარი არა აქვს. რკპ(ბ) ცენტრალური კომიტეტის დადგენილების საკითხთან დაკავშირებით მთელ რესპუბლიკაში დაიწყო ფართო კრებები. 19 ოქტომბერს გაიმართა პასუხისმგებელ ამხანაგთა კრება, იგი მოიწვია თბილისის კომიტეტის ბიურომ, რომელზედაც საქართველოს კომპარტიის ცენტრალური კომიტეტი მიესალმა რკპ(ბ) ცენტრალური კომიტეტის დადგენილებას, გამოთქვა სურვილი, რომ რკპ(ბ) ცენტრალური კომიტეტის წინაშე აღძრულიყო შუამდგომლობა — გადაესინჯა პუნქტი კავშირში ამიერკავკასიის ფედერაციის შესვლის შესახებ იმ აზრით, რომ დებულება უკრაინისა და ბელორუსიის შესახებ გავრცელებულიყო საქართველოსა და აზერბაიჯანზეც განსაკუთრებული პოლიტიკური პირობების გამო. ეს გახდა საქართველოს კომპარტიის ცენტრალური კომიტეტისა და ძველი მუშაკების წინააღმდეგ ორჯონიკიძის უაღრესად შეუწყნარებელი გამოსვლების, ქუჩური განებებისა და უღმობელი რეპრესიების მუქარის საბაბი. დღეს, 20 ოქტომ-

ბერს, ამიერკავკასიის სამხარეო კომიტეტი, ორჯონიკიძის მეთაურობით, უკვე შეუდგა განადგურებას, დაიწყო საქართველოს კომპარტიის ცენტრალური კომიტეტით. ავტორიტეტული ამნანაგი ოკუჩავა მოიხსნა ცენტრალური კომიტეტის მდივნის პოსტიდან და გაგდებულია პრეზიდიუმიდან. იგივე ემუქრება ყველას, რაც საქვეყნოდ განაცხადა ორჯონიკიძემ“.<sup>1</sup>

„ჩვენ იმ მდგომარეობაში ვართ ჩაყენებული, — ნათქვამია წერილში, — როცა პასუხისმგებლობას ველარ ვიკისრებთ. ამიტომ სხვა გამოსავალი ვერ ვნახეთ და გადავწყვიტეთ ხვალ, 21-ში, საქართველოს კომპარტიის ცენტრალური კომიტეტის პლენუმზე განვაცხადოთ ეს“.<sup>2</sup>

მართლაც, 21 ოქტომბერს გაიმართა საქართველოს კომპარტიის ცენტრალური კომიტეტის პლენუმი. მის მუშაობაში მონაწილეობდნენ ამიერკავკასიის სამხარეო კომიტეტის წევრები და რკპ(ბ) ცენტრალური კომიტეტის წარმომადგენელი რიკოვი. პლენუმმა მიიღო პრეზიდიუმის წინადადება, რომ იგი იხსნიდა უფლებამოსილებას ამიერკავკასიის სამხარეო კომიტეტის ხაზთან მისი ხაზის შეუთანხმებლობის გამო. საქართველოს კომპარტიის ცენტრალური კომიტეტი ასეთი მოტივით ხსნიდა თავის გადადგომას: „ამიერკავკასიის სამხარეო კომიტეტის ფაქტიური უნდობლობა საქართველოს ცენტრალური კომიტეტისადმი,

<sup>1</sup> მლიცა, ფ. 5, აღწ. 2, ს. 32. ფურც. 75.

<sup>2</sup> იქვე.

რომელიც გაღრმავდა ცენტრალური კომიტეტის თითქმის ყველა წევრის სისტემატური დევნით“.

ამრიგად, საქართველოს კომპარტიის ცენტრალური კომიტეტის ძირითადი ხელმძღვანელი ბირთვი იძულებული გახდა გადამდგარიყო 1922 წლის 22 ოქტომბერს. ეს, რა თქმა უნდა, უკიდურესი ნაბიჯი იყო. მაგრამ ამიერკავკასიის სამხარეო კომიტეტი არ ცდილა მოეწესრიგებინა კონფლიქტი, პირიქით, დაუყოვნებლივ, იმავე დღეს, გადაწყვიტა მიეღო გადადგომა და რკპ(ბ) ცენტრალურ კომიტეტს შესთავაზა ახალი შემადგენლობა,<sup>1</sup> ხოლო 26 ოქტომბერს რკპ(ბ) ცენტრალური კომიტეტის საორგანიზაციო ბიურომ დაამტკიცა საქართველოს კომპარტიის ცენტრალური კომიტეტის ახალი შემადგენლობა.<sup>2</sup>

გადადგომის დღეს, 22 ოქტომბერს, საქართველოს კომპარტიის ცენტრალური კომიტეტი ლენინისაგან იღებს დეპეშას 20 ოქტომბერს პირდაპირი მავთულით გაგზავნილი ბარათის პასუხად. მასში ნათქვამია:

„გაოცებული ვარ პირდაპირი მავთულით მიღებული იმ ბარათის უხამსი ტონით, რომელიც ხელმოწერილია ცინცაძისა და სხვების მიერ და რატომღაც გადმომცა ბუხარინმა და არა ცეკას ერთ-ერთმა მდივანმა. დარწმუნებული ვიყავი, რომ ყველა უთანხმოება ამოწურული იყო ცეკას პლენუმის იმ რეზოლუციებით, რომელშიც არაპი-

<sup>1</sup> მლიცა. ფ. 5. აღწ. 2. ს. 32. ფურც. 33.

<sup>2</sup> ი ქ ე ე. ფურც. 39.

პირდაპირ ვმონაწილეობდი მე და პირდაპირ მონაწილეობდა მდივანი. ამიტომ გადაჭრით ვგმობ ორჯონიკიძის მიმართ გამოთქმულ ლანძღვა-გინებას და დაჟინებით მოვითხოვ, რომ თქვენი კონფლიქტი წესიერი და ლოიალური ტონით გადაეცეს გადასაჭრელად რკპ ცენტრალური კომიტეტის სამდივნოს. რომელსაც გადაეგზავნა კიდევ პირდაპირი მავთულით მიღებული თქვენი ცნობა“.<sup>1</sup>

სამწუხაროდ, ლენინის დეპეშის ტექსტიდან ზოგიერთ ისტორიკოსს ის დასკვნა გამოაქვს, თითქოს ლენინი გმობდა ბუდუ მდივნისა და მისი მომხრეების პრინციპულად არასწორ პოზიციას ეროვნულ საკითხში, რაც აბსოლუტურად არ შეესაბამება სინამდვილეს. ლენინი პროტესტს გამოთქვამდა მხოლოდ იმის გამო, რომ პირდაპირი მავთულით გადაცემული ბარათი შეიცავდა „ორჯონიკიძის წინააღმდეგ ლანძღვას“.

ამასთან ერთად ლენინის დეპეშიდან ჩანს, რომ იგი სწორად არ იყო ინფორმირებული ამიერკავკასიის სამხარეო კომიტეტსა და საქართველოს კომპარტიის ცენტრალურ კომიტეტს შორის ურთიერთობის გამწვავების შესახებ. ამას ნათლად მოწმობს ის მზრუნველი ყურადღება, რაც ლენინმა გამოაქვინა შემდგომ თვეებში ეგრეთ წოდებული „ნაციონალ-უკლონისტების“ მიმართ.

ლენინის დეპეშასთან დაკავშირებით საქართველოს კომპარტიის ცენტრალური კომიტეტის გადამდგარი ხელმძღვანელობა — მახარაძე, ქავ-

<sup>1</sup> ვ. ი. ლენინი, თხზ., ტ. 45, გვ. 722.

თარაძე, ცინცაძე, დ. ღუმბაძე, საბაშვილი. ოკუ-  
ჩავა, ტოროშელიძე, ეშბა, თოდროია — 25 ოქტო-  
მბერს წერილს უგზავნის სტალინს ვლადიმერ  
ილიას ძისტვის გადასაცემად. წერილში გამოხა-  
ტულია ჭეშმარიტი სინანული იმის გამო, რომ  
ლენინს აწყენინეს დეპეშის მწვავე კილოთი, გან-  
მარტებულია, რომ ეს მათ აიძულა მეტისმეტად  
დაძაბულმა ურთიერთობამ საქართველოს კომპა-  
რტიის ცენტრალურ კომიტეტსა და ამიერკავ-  
კასიის სამხარეო კომიტეტს შორის ამხ. ორჯონი-  
კიძის სახით. წერილში ხაზგასმულია, რომ საქა-  
რთველოს ცენტრალური კომიტეტის ხელმძღვა-  
ნელობა „სავესებით“ იზიარებდა რკპ(ბ) ცენტრა-  
ლური კომიტეტის 6 ოქტომბრის გადაწყვეტილე-  
ბას, რის შესახებაც გამოტანილია საქართველოს  
კომპარტიის ცენტრალური კომიტეტის პლენუმის  
21 ოქტომბრის ერთხმად მიღებული დადგენილე-  
ბა. შემდეგ წერილში აღნიშნულია: „ჩვენ შევი-  
ტანეთ უმნიშვნელო შესწორება — ვთხოვეთ რკპ(ბ)  
ცენტრალურ კომიტეტს გადაესინჯა კავშირში  
რესპუბლიკის შესვლის საკითხი არა ამიერკავკა-  
სიის ფედერაციის მეშვეობით, რომელსაც ჭერ კი-  
დევ არა აქვს თავისი ცაკი და სახკომსაბჭო, არა-  
მედ ცალკე... ამიერკავკასიის სამხარეო კომი-  
ტეტმა ამ ჩვენს შუამდგომლობაში დაინახა პარ-  
ტდისციპლინის დარღვევა და გაგვეკიცხა“.<sup>1</sup>

და შემდეგ წერილში ლაპარაკია იმ მიზეზე-  
ბზე, რომლებმაც გამოიწვიეს კონფლიქტი ამიერ-

<sup>1</sup> მლიცკა. ფ. 5. აღწ. 2. ს. 26. ფურც. 35.

კავკასიის სამხარეო კომიტეტსა და საქართველოს კომპარტიის ცენტრალურ კომიტეტს შორის. „სამწუხაროდ. ურთიერთობა ამიერკავკასიის სამხარეო კომიტეტსა და საქართველოს კომპარტიის ცენტრალურ კომიტეტს შორის, — ნათქვამია წერილში, — „უკიდურესად“ გამწვავდა იმ ნიადაგზე, რომ ამიერკავკასიის სამხარეო კომიტეტი სრულიად არ ენდობა და სახელს უტეხს, შეუწყნარებლად შეურაცხყოფს საქართველოს კომპარტიის ცენტრალური კომიტეტის თითქმის მთელ შემადგენლობას. რომელიც მთელი თავისი მოღვაწეობით ცდილობდა ადგილობრივ რთულ ვითარებაში განეხორციელებინა რკპ(ბ) ცენტრალური კომიტეტისა და თქვენ მიერ დასახული გეზი, რასაც ამიერკავკასიის სამხარეო კომიტეტი თვლიდა აშკარა გადახრად კომუნიზმიდან შოვინიზმისა და მენშევიზმისაკენაც კი. ასეთ ბრალდებას უაღრესად უხეში ფორმით უყენებდა ორჯონიკიძე პარტიის უხუცეს წევრებს“.<sup>1</sup>

• • •

საქართველოს კომპარტიის ცენტრალური კომიტეტის გადადგომის შემდეგ ბრძოლა მისი ყოფილი წევრების წინააღმდეგ კიდევ უფრო მწვავე და უხეშ ხასიათს იღებს.

მრავალი „მამხილებელი“ წერილი ვაუგზავ-

---

<sup>1</sup> მლიცა, ფ. 5, აღწ. 2, ს. 26. ფურც. 28.

ნეს ამიერკავკასიის სამხედრო კომიტეტმა. პირადად ორჯონიკიძემ და ორახელაშვილმა რკპ(ბ) ცენტრალურ კომიტეტს, ლენინს. ამ მხრივ განსაკუთრებით საგულისხმოა ორჯონიკიძის წერილი ლენინის სახელზე, გაგზავნილი 27 ოქტომბერს. ორჯონიკიძის წერილში ნათქვამია, რომ მისი „ღრმა რწმენით, ამხანაგების ეს ჯგუფი (ლაპარაკია საქართველოს კომპარტიის ცენტრალური კომიტეტის გადამდგარ შემადგენლობაზე. — გ.ჟ.) სრულიად აშკარად მოექცა ქართველი ნაციონალისტური ინტელიგენციის გავლენაში“, რომ „მათი წასვლა მხოლოდ გააჩანსალებს პარტიას და დაგეხმარება დაეამყაროს ნამდვილი კეთილმეზობლური ურთიერთობა სომხებსა და აზერბაიჯანელებთან“. ორჯონიკიძის აზრით, „მათი პოლიტიკა, თუ იგი გაიმარჯვებს, მიგვიყვანს ამიერკავკასიაში საბჭოთა ხელისუფლების სრულ გაკოტრებამდე. ეროვნული მშვიდობის გარეშე ერთ ნაბიჯსაც ვერ გადავდგამთ წინ. მდივან — მახარაძის პოლიტიკა კი მებრძოლი ქართული ნაციონალიზმის პოლიტიკაა“.<sup>1</sup>

შემდეგ ორჯონიკიძე წერს, რომ „მათი გადადგომა არ არის საშიში. ეს ქარიშხალია კიჟა წყალში. ნუ წუხხხართ, ამ ნიადაგზე არავითარი აჩანყება არ მოხდება. პარტიაში იქნება მცირე კინკლაობა, მაგრამ ეს საშიში არ არის, იხმაურებენ, იყეფებენ და გაჩუმდებიან. თბილისში ისინი და-

<sup>1</sup> მლიცა, ფ. 5, აღწ. 2, ს. 26, ფურც. 28.



მარცხებული არიან. პროვინციაში ამხანაგები გავგზავნეთ. ყველაფერს გაეკეთებთ“. წერილის ბოლოს ორჯონიკიძე წინადადებას იძლევა: „მოგვიხდება მოვაშოროთ აქედან მახარაძე, ქავთარაძე, მდივანი, ისინი ხეირს არ დაგვაყრიან“.<sup>1</sup>

ეს წერილი ნათლად ასახავს ამიერკავკასიის სამხარეო კომიტეტის აშკარად სუბიექტივისტური ხასიათის ბრძოლას საქართველოს კომპარტიის ცენტრალური კომიტეტის წინააღმდეგ, რომელიც მან „ნაციონალ-უკლონისტებად“ მონათლა.

9 ნოემბერს ორჯონიკიძე რკპ(ბ) ცენტრალურ კომიტეტს ატყობინებს, რომ „აუცილებელია მახარაძე, ცინცაძე და ქავთარაძე მოსკოვში გაიწვიონ, ვინაიდან ისინი ქმნიან თავიანთ ფრაქციას“.<sup>2</sup>

11 ნოემბერს ორჯონიკიძის წინადადებით ამიერკავკასიის პარტიული ორგანიზაციის კონფერენცია გადაკრით გმობს საქართველოს კომპარტიის მესვეურთა გადახრას, გმობს საქართველოს კომპარტიის ცენტრალური კომიტეტის გადადგომას ხელმძღვანელი პოსტიდან პასუხსაგებ მომენტში.

ე. წ. „ნაციონალ-უკლონისტების“ წინააღმდეგ ბრძოლაში მალე ჩაება საქართველოს კომპარტიის ცენტრალური კომიტეტის ახალი შემადგენლობაც, რომელიც შეიქმნა ძველი შემადგენლობის გადადგომისთანავე. საქართველო! კომპარტიის ცე-

<sup>1</sup> მლიცა, ფ. 5, აღწ. 2, ს. 26, ფურც. 29.

<sup>2</sup> იქვე, ფურც. 19.

ნტრალური კომიტეტის ახალმა შემადგენლობამ და ამიერკავკასიის სამხარეო კომიტეტმა აკრძალეს ყოველგვარი დისკუსია უკანასკნელ ხანებში მომხდარი ამბების შესახებ, მაგრამ თვითონ დაიწყეს გაშმაგებული აგიტაცია ძველი ცენტრალური კომიტეტის მომხრეთა წინააღმდეგ, ამასთან მიმართეს დაშინებასა და რეპრესიებს, საქართველოს პარტიულ ორგანიზაციებში შეიქმნა აუტანელი მდგომარეობა, რაც დაშლისა და დეზორგანიზაციის საფრთხეს ქმნიდა.

1922 წლის 14 ნოემბერს საქართველოს კომპარტიის ცენტრალურმა კომიტეტმა სპეციალურად განიხილა პასუხისმგებელ მუშაკთა გადადგომის საკითხი. დადგენილებაში ნათქვამია: „ცენტრალური კომიტეტი აღნიშნავს: გადამდგართა უმეტესობა, წავიდა რა საპასუხისმგებლო სამუშაოდან, დაადგა შეურიგებელი წინააღმდეგობის გზას ცენტრალური კომიტეტის ახალი შემადგენლობის მუშაობასთან, რომლის მიზანია განახორციელოს რკპ(ბ) ცენტრალური კომიტეტის ღირექტივები“.<sup>1</sup>

დადგენილებაში აღინიშნა: „ეთხოვოს ამიერკავკასიის სამხარეო კომიტეტს მოგვაცილოს ამ ანტიპარტიული მუშაობის ყველა ხელმძღვანელი, რომლებიც შლიან ადგილობრივ პარტიულ ორგანიზაციებს“.<sup>2</sup> პლენუმის დადგენილება რკპ(ბ) ცენტრალურ კომიტეტს გაეგზავნა 18 ნოემბერს.

<sup>1</sup> პლიცა, ფ. 5, აღწ. 2, ს. 26. ფურც. 37.

<sup>2</sup> იქვე, ფურც. 38.

სტალინის მითითებით ეს დოკუმენტი დაეგზავნათ რკპ(ბ) ცენტრალური კომიტეტის პოლიტბიუროსა და საორგანიზაციო ბიუროს ყველა წევრს.

საქართველოს კომპარტიის ცენტრალური კომიტეტის პლენუმის 14 ნოემბრის დადგენილების პასუხად მახარაძე, მდივანი და სხვები რკპ(ბ) ცენტრალურ კომიტეტს უგზავნიან წერილს, რომელშიც ნათქვამია: „საქართველოს კომპარტიის ახალი ცენტრალური კომიტეტი და ამიერკავკასიის სამხარეო კომიტეტი პარტიული დისციპლინის აღმით რკპ(ბ) ცენტრალური კომიტეტის სახელით ულმობლად უსწორდებიან და ულმობლად თრგუნავენ როგორც პარტიის მთელ ორგანიზაციებს, ისე მის ცალკეულ წევრებს. გასახლებითა და პარტიიდან გარიცხვის მუქართაც კი ისინი აშინებენ ყველა ორგანიზაციას იმიტომ, რომ ყრილობაზე გაიყვანონ ისეთი პირები, რომლებიც ხელს აუწევენ, ხმას მისცემენ მათ“.<sup>1</sup> ისინი სთხოვდნენ რკპ(ბ) ცენტრალურ კომიტეტს დაენიშნა კომისია საქმის გამოსაძიებლად.

24 ნოემბერს რკპ(ბ) ცენტრალური კომიტეტის სამდივნო იღებს დადგენილებას, რომ დაინიშნოს კომისია ასეთი შემადგენლობით: ფ. ე. ძერჟინსკი, ლ. ს. სოსნოვსკი და ვ. ს. მიცკევიჩი. იმავე დღეს ლენინი კენჭისსაყრელად ღებულობს რკპ(ბ) ცენტრალური კომიტეტის სამდივნოს დადგენილებას. ლენინი ესაუბრება სრულიად რუსეთის ცაკის

---

<sup>1</sup> პლიცა, ფ. 5, აღწ. 2, საქ. 26, ფურც. 40.

პრეზიდენტის წევრს და მდივანს ა. ს. ენუქიძეს და ეკითხება, რა აზრისაა იგი, — საკმაოდ ავტორიტეტულია თუ არა რკპ(ბ) ცენტრალური კომიტეტის სამდივნოს მიერ დანიშნული კომისია. ცნობილი არ არის, რა უპასუხა ენუქიძემ, მაგრამ ვიცით ერთი რამ: ლენინი დადგენილებაზე აწერს: „თავს ვიკავენ, ლენინი“.

მოგვიანებით, რკპ(ბ) XII ყრილობაზე, ენუქიძე, ეხებოდა რა რკპ ცენტრალური კომიტეტის კომისიის შემადგენლობის საკითხს, ასე იმართლებდა თავს: „ლენინმა მაშინ სპეციალურად მკითხა: „თქვენი აზრით, კომისია შესაფერისია?“ მე გულწრფელად ვუპასუხე და ახლაც ვადასტურებ, რომ კომისია მეტად შესაფერისი და ავტორიტეტული იყო“, შემდეგ „ეროვნებათა საკითხისათვის ანუ „ავტონომიზაციის“ შესახებ“ ლენინის წერილთან დაკავშირებით ენუქიძე ამტკიცებდა: „...მე მგონია, ამხ. ლენინი ცალმხრივი, არასწორი ინფორმაციის მსხვერპლი გახდა“. კვლავ ეხებოდა რა ამ საკითხს, ენუქიძე ყრილობაზე ამბობდა: „მე მაინც ვამტკიცებ, რომ ამხ. ლენინი თავისი წერილის დეტალებში არასწორი ინფორმაციის მსხვერპლი გახდა“.<sup>1</sup>

რა შეიძლება ითქვას ყრილობაზე ენუქიძის გამოსვლიდან მოყვანილი სტრიქონების შესახებ? ჭერ ერთი, მეტად საეჭვოა, იგი ყრილობაზე

---

<sup>1</sup> რკპ(ბ) XII ყრილობა. სტენოგრაფიული ანგარიში. მ., 1968, გვ. 590.

ასეთი თამამი განცხადებით გამოსულიყო, მას რომ ლენინი დასწრებოდა.

და. მეორეც. არა გვგონია, ლენინი „არასწორი ინფორმაციის მსხვერპლი“ გამხდარიყო.

1922 წლის 25 ნოემბერს რკპ(ბ) ცენტრალურმა კომიტეტმა დანიშნა კომისია საქართველოს კომპარტიის ცენტრალური კომიტეტის ძველი შემადგენლობის გადამდგარი წევრების განცხადების სასწრაფოდ განხილვისა და საქართველოს კომპარტიის შიგნით ურთიერთობის ნორმალიზაციის ღონისძიებათა შესამუშავებლად. კომისიის შემადგენლობაში შედიოდნენ ფ. ძერჟინსკი, ლ. სოსნოვსკი და დ. მანუილსკი, რომლებიც ნოემბრის დამლევს თბილისში ჩამოვიდნენ.

რკპ(ბ) ცენტრალური კომიტეტის კომისიამ ნაჩქარევად. რკპ(ბ) ცენტრალური კომიტეტის ამიერკავკასიის სამხარეო კომიტეტსა და საქართველოს კომპარტიის ცენტრალურ კომიტეტს შორის ურთიერთობის დაძაბული კონფლიქტური სიტუაციის მიზეზების დეტალური შესწავლის გარეშე. შეადგინა დასკვნა, რომელიც 1923 წლის 13 იანვარს დაამტკიცა საორგანიზაციო ბიუროს სხდომაზე. შემდგომ, 25 იანვარს, ეს გადაწყვეტილება დაამტკიცა რკპ(ბ) ცენტრალური კომიტეტის პოლიტბიურომ ლენინის დაუსწრებლად.

როგორი იყო რკპ(ბ) ცენტრალური კომიტეტის კომისიის დასკვნები?

კომისიის აზრით, „პოლიტიკური ხაზი, რომელსაც ახორციელებდა ჯერ კავბიურო, შემდეგ ამი-

ერკავკასიის სამხარეო კომიტეტი და, კერძოდ, ორჯონიკიძე. სავსებით შეესაბამებოდა რკპ(ბ) ცენტრალური კომიტეტის დირექტივებს და სავსებით სწორი იყო“.<sup>1</sup>

კომისია თავის დასკვნაში წერდა: „ამიერკავკასიის სამხარეო კომიტეტის, კერძოდ, ამბ. ორჯონიკიძის დადანაშაულება იმაში, რომ იგი თითქოს ნაჩქარევად, ზემოდან იყენებდა სამხედრო კომუნიზმის ტაქტიკას ისე, რომ სრულიად ანგარიშს არ უწევდა ადგილობრივ პარტიულ ორგანიზაციებს, არ ამზადებდა საზოგადოებრივ აზრს, ახორციელებდა გეზს, რომელიც ხშირად არ ემთხვეოდა რკპ(ბ) ცენტრალური კომიტეტის გეზს, ან სრულიადაც არ ჰქონდა გეზი, — არ შეესაბამება სინამდვილეს“.<sup>2</sup>

კომისია აღნიშნავს: „ყველა ძირითად საკითხში, განსაკუთრებით ამიერკავკასიის ფედერაციის საკითხში, ამიერკავკასიის სამხარეო კომიტეტი მუდამ ატარებდა კამპანიას პარტიული და საბჭოთა წესით. მიუხედავად იმისა, რომ საქართველოს კომპარტიის ცენტრალური კომიტეტის ძველი შემადგენლობის უმრავლესობა წინააღმდეგობას უწევდა, რითაც უეჭველად ასუსტებდა ამ კამპანიას“.<sup>3</sup>

რკპ(ბ) ცენტრალური კომიტეტის კომისია თავის დასკვნაში წერდა, რომ „ამიერკავკასიის სამ-

<sup>1</sup> შლიტა. ფ. 5, აღწ. 2, ს. 32, ფურც. 85.

<sup>2</sup> იქვე.

<sup>3</sup> იქვე.

ხარეო კომიტეტისა და საქართველოს კომპარტიის ცენტრალური კომიტეტის ახალი შემადგენლობისათვის „რუსოპეტობის“, საქართველოში ეროვნული საკითხისადმი არასაკმაო ყურადღების, ეროვნული ნიშნით სწორების ბრალდების წაყენება არაფერს არ ემყარება. კომისია აღნიშნავს, რომ ყველა კონფლიქტს „რუსოპეტობის“ და „კოლონიზატორული ტენდენციების“ ნიადაგზე ამიერკავკასიის სამხარეო კომიტეტი განიხილავდა „მთელი ყურადღებით“ და მათ წინააღმდეგ ენერგიულ ზომებს იღებდა.<sup>1</sup>

შემდეგ, ძერჟინსკის კომისიის დასკვნაში ნათქვამია, რომ „კავბიურო და ამიერკავკასიის სამხარეო კომიტეტი, ასრულებდნენ რა რკპ(ბ) ცენტრალური კომიტეტის, კერძოდ ამხ. ლენინის, დირექტივებს, ითვალისწინებდნენ ამიერკავკასიის რესპუბლიკების, მეტადრე საქართველოს, განსაკუთრებულ პირობებს, სრულიად შეგნებულად თანხმდებოდნენ ზოგიერთ დათმობაზე ნაციონალისტურად განწყობილი მასებისა და ინტელიგენციის მიმართ“.<sup>2</sup>

და ბოლოს, ძერჟინსკის კომისია ასკვნიდა, რომ „ამიერკავკასიის სამხარეო კომიტეტი საერთოდ და მთლიანად სწორად იქცევა, როცა ბრძოლას ეწევა საქართველოს კომპარტიის ცენტრალური კომიტეტის ძველი შემადგენლობის ხაზის წინააღმდეგ“.<sup>3</sup>

<sup>1</sup> მლიცკა. ფ. 5, აღწ. 2, ს. 32, ფურც. 86.

<sup>2</sup> იქვე, ფურც. 87.

<sup>3</sup> იქვე, ფურც. 88.

პირადად ძერჟინსკი კომისიის სხდომაზე ამბობდა: „მათ („უკლონისტებს“ — გ. შ.) ძვალ-რბილში არა აქვთ გამჭდარი კომუნისტობა. გლებობაში ნაციონალიზმის არსებობის დასაბუთება მათ ვერ შეძლეს და არც ამის ფაქტები მოუციათ. ნაციონალიზმის პირობებს ისინი თვითონ ქმნიან და ამიტომ პარტიისათვის მეტად საშიშნი არიან“.<sup>1</sup>

რკპ(ბ) ცენტრალური კომიტეტის კომისიის წევრი მანუილსკი კომისიის სხდომაზე აგრეთვე ამტკიცებდა, რომ „აქ (საქართველოში. — გ. შ.) ამხ. მახარადისა და სხვა მოთავეთა შემდგომი ყოფნა დამლუპველია ჩვენი პარტიისათვის. აუცილებელია მოვხსნათ სათავეში მდგომნი საქართველოს პარტიის გასაჯანსაღებლად და მივცეთ მათ შესაძლებლობა დაძლიონ ატამანშჩინა“.<sup>2</sup>

როგორც მოხსენებიდან, აგრეთვე ძერჟინსკის და მანუილსკის გამოსვლებიდან ჩანს, კომისია ობიექტური არ იყო. გადაუქარბებლად შეიძლება ითქვას, რომ არც ერთი ბრალდება, რომელიც რკპ(ბ) ცენტრალურმა კომიტეტმა წამოუყენა საქართველოს კომპარტიის ცენტრალურ კომიტეტს, არ დადასტურდა მტკიცებებით.<sup>3</sup> კომისიამ უყურადღებოდ დატოვა პარტიულ, საბჭოთა და პროფკავშირულ მოღვაწეთა მრავალრიცხოვანი საჩივრები კავშირის, ამიერკავკასიის სამხარეო კომიტეტის, მათი ხელმძღვანელებისა და, კერძოდ,

<sup>1</sup> ძლიცა, ფ. 5. აღწ. 2. ს. 32, ფ. 87.

<sup>2</sup> იქვე, ფ. 88.

<sup>3</sup> იქვე, ფ. 90.



ორჯონიკიძის მისამართით მათი სასტიკი, შეურიგებელი და ხშირად უხეში. აბუჩად ამგდები ხელმძღვანელობის სტილისათვის. კომისიამ უყურადღებოდ დატოვა ისეთი აღმაშფოთებელი ფაქტი, როგორც იყო ინციდენტი ორჯონიკიძესა და კობახიძეს შორის.<sup>1</sup>

ასე რომ რკპ(ბ) ცენტრალური კომიტეტის კომისიამ ძერჟინსკის მეთაურობით „კეთილსინდისიერად“ შეასრულა სტალინის მითითება და გამართლა ორჯონიკიძის იმედები. კომისიამ შეძლო „დაესაბუთებინა“ ორჯონიკიძის მეთაურობით კავშიუროს და შემდეგ ამიერკავკასიის სამხარეო კომიტეტის მიერ გატარებული პოლიტიკური და ორგანიზაციული ხაზის სისწორე და საქართველოს პარტორგანიზაციაში „ნაციონალ-უკლონიზმის“ არსებობა და მისი როგორც „პარტიისათვის მეტად საშიშის დაგმობის აუცილებლობა“.

---

<sup>1</sup> მლიცკა. ფ. 5. აღწ. 2. ს. 32. ფ. 90.

**5. ვ. ი. ლენინი: „მთელი სულითა და  
გულეთ თვალყურს ვადევნებ თქვენს  
საქმეებს“.**

ვ. ი. ლენინი თავიდანვე განსაკუთრებით დაინტერესდა რკპ(ბ) ცენტრალური კომიტეტის კომისიის მუშაობის შედეგებით. კომისიის წევრების მოსკოვში დაბრუნების დღეს, 12 დეკემბერს, მას ხანგრძლივი საუბარი ჰქონდა კომისიის თავმჯდომარე ძერჟინსკისთან. ამ საუბრიდან ლენინმა გამოიტანა დასკვნა, რომ კომისიამ თავი ვერ გაართვა დასახულ ამოცანას. აი რას წერდა იგი ამ შეხვედრის თაობაზე წერილში „ეროვნებათა საკითხისათვის ანუ „ავტონომიზაციის“ შესახებ“: „მე მხოლოდ ის მოვასწარი, რომ ვესაუბრე ამხ. ძერჟინსკის, რომელიც კავკასიიდან ჩამოვიდა და მიამბო, თუ როგორ დგას ეს საკითხი საქართველოში... იმაში, რაც მაცნობა ამხ. ძერჟინსკიმ, რომელიც სათავეში ედგა ცენტრალური კომიტეტის მიერ ქართული ინციდენტის „გამოსაკვლევად“ გაგზავნილ კომისიას, მე მხოლოდ ძალიან დიდი სა-

შიშროება დაეინახე. თუ საქმე იქამდე მივიდა, რომ ორჯონიკიძემ შეტოპა და ფიზიკურ ძალადობას მიმართა, რაც ამხ. ძერჟინსკიმ მაცნობა, შეგვიძლია წარმოვიდგინოთ, თუ რა ქაობში ჩავცვივდით ჩვენ. ეტყობა, „ავტონომიზაციის“ მთელი ეს წამოწყება სრულიად არასწორი და უდროო იყო“.<sup>1</sup> შემდეგ ლენინი წერდა: „ვშიშობ აგრეთვე, რომ ამხ. ძერჟინსკიმაც, რომელიც კავკასიაში იყო ამ „სოციალ-ნაციონალების“ „დანაშაულობათა“ საქმის გამოსაკვლევად, აქ გამოამქლავნა მხოლოდ თავისი ქეშმარიტად რუსული განწყობილება... და რომ მთელი მისი კომისიის მიუდგომლობას საკმაროდ ახასიათებს ორჯონიკიძის მიერ „სილის გარტყმა“. ვფიქრობ, რომ არავითარი პროვოკაციით, არავითარი შეურაცხყოფითაც კი არ შეიძლება გამართლდეს ეს რუსული სილის გარტყმა და რომ ამხ. ძერჟინსკის გამოუსწორებელი ბრალი მიუძღვის იმაში, რომ იგი ამ სილის გარტყმას ზერელედ მოეპყრო“.<sup>2</sup>

და კიდევ. „საჭიროა სამაგალითოდ დაისაჯოს ამხ. ორჯონიკიძე... აგრეთვე დამატებით ან ხელახლა გამოკვლულ იქნეს ძერჟინსკის კომისიის მთელი მასალა იმისათვის, რომ გამოსწორდეს ის დიდძალი უმართებულობა და მიკერძოებული განსჯა, რაც იქ უეჭველად მოიპოვება. პოლიტიკური პასუხისმგებლობა მთელი ამ ქეშმარიტად ველიკორუსულ-ნაციონალისტური კამპანიისათვის უნდა

<sup>1</sup> ვ. ი. ლენინი, თხზ., ტ. 36, გვ. 688-689.

<sup>2</sup> იქვე, გვ. 690.

დაეკისროთ, რა თქმა უნდა. სტალინსა და ძერქინსკის“.<sup>1</sup>

და კიდევ ერთი მნიშვნელოვანი ადგილი ლენინის წერილიდან: „ვეფიქრობ, — წერდა ლენინი, — ამ შემთხვევაში. ქართველი ერის მიმართ, ჩვენ გვაქვს იმის ტიპიური მაგალითი, სადაც საქმისადმი ჰუმანარტად პროლეტარული დამოკიდებულება მოითხოვს ჩვენგან უაღრეს სიფრთხილეს, თავაზიანობასა და დამთმობლობას. ის ქართველი, რომელიც უგულებელყოფს საქმის ამ მხარეს, ათვალწუნებით წამოისერის ბრალდებას „სოციალ-ნაციონალიზმში“ (მაშინ როდესაც ის თვითონ არის ნამდვილი და ჰუმანარტი არა მარტო „სოციალ-ნაციონალი“. არამედ უხეში ველიკორუსი დერჟიმორდაც), ეს ქართველი, არსებითად, არღვევს პროლეტარული კლასობრივი სოლიდარობის ინტერესებს, რადგან არაფერი ისე არ აფერხებს პროლეტარული კლასობრივი სოლიდარობის განვითარებას და განმტკიცებას, როგორც ეროვნული უსამართლობა, და არაფერს ისე მწვავედ არ განიცდიან „შეურაცხყოფილი“ ნაციონალები, როგორც თანასწორობის გრძნობას და ამ თანასწორობის დარღვევას, თუნდაც დაუდევრობით, თუნდაც ხუმრობის სახით. ამ თანასწორობის დარღვევას მათი ამხანაგი პროლეტარების მიერ“.<sup>2</sup>

ვ. ი. ლენინი შემდგომ სისტემატურად მოითხოვდა ინფორმაციას რკ(ბ) ცენტრალური კომი-

<sup>1</sup> ვ. ი. ლენინი, თხზ. ტ. 36, გვ. 694.

<sup>2</sup> იქვე, გვ. 692-693.

ტეტის პოლიტბიუროს კომისიის მოქმედების შე-  
დედე. სწორედ ამ ინფორმაციამ აღუძრა მას ეკ-  
ვი კომისიის კეთილსინდისიერებაში. ამიტომ მი-  
სი ინიციატივით იქმნება სპეციალური კომისია  
„საქართველოს საკითხის“ შესწავლისათვის. მის  
შემადგენლობაში შევიდნენ ნ. პ. გორბუნოვი,  
ლ. ა. ფოტიევა და მ. ი. გლიასერი.

უკვე 1923 წლის 24 იანვარს ვ. ი. ლენინი იძა-  
ხებს სახკომსაბჭოს მდივანს, კომისიის წევრს  
ლ. ა. ფოტიევას და ავალებს მოსტხოვოს ფ. ე. ძე-  
რჟინსკის ან ი. ბ. სტალინს ცენტრალური კომი-  
ტეტის პოლიტბიუროს კომისიის მასალები, კომი-  
სიისა, რომელმაც გაარჩია კონფლიქტი ამიერკა-  
კასიის სამხარეო კომიტეტსა და საქართველოს  
კ(ბ) ცენტრალური კომიტეტის წევრების ჩგუფს  
შორის, დეტალურად შეისწავლოს ეს მასალები  
მ. ი. გლიასერთან და ნ. პ. გორბუნოვთან ერთად  
და შედეგები მოახსენოს მას. ლენინი ფოტიევას  
ეუბნება, რომ „ეს მასალები აუცილებლად სკირ-  
დება პარტიის XII ყრილობისათვის წერილის მო-  
სამზადებლად“.<sup>1</sup>

მეორე დღეს, 25 იანვარს, ვ. ი. ლენინი  
ლ. ა. ფოტიევას ეკითხება, მიიღო თუ არა „საქარ-  
ველოს საკითხზე“ რკ(ბ) ცენტრალური კომიტეტის  
პოლიტბიუროს კომისიის მასალები. ფოტიევა  
ლენინს აცნობებს, რომ ამ მასალებს ძერჟინსკის

---

<sup>1</sup> ვლადიმერ ილიას ძე ლენინი. ბიოგრაფიული ქრონიკა,  
ტ. 12, გვ. 568-569.

ჯერ ვერ მოსთხოვს, ვინაიდან იგი თბილისიდან მხოლოდ შაბათს, 27 იანვარს, ჩამოვა.<sup>1</sup>

ლენინის დავალებით 27 იანვარს ფოტიევა ძერჟინსკის ეკითხება „საქართველოს საკითხზე“ რკპ(ბ) ცენტრალური კომიტეტის პოლიტბიუროს კომისიის მასალების შესახებ. ფოტიევა ძერჟინსკისაგან იგებს, რომ მთელი მასალები სტალინთან არის.

იმავე დღეს ლენინის დავალებით ნ. პ. გორბუნოვი, ლ. ა. ფოტიევა და მ. ი. გლიასერი მიმართავენ რკპ(ბ) ცენტრალური კომიტეტის სამდივნოს, ი. ბ. სტალინს წერილობითი თხოვნით, რომ გასცეს განკარგულება, რათა მათ გარკვეული ვადით დაუთმონ „საქართველოს საკითხზე“ ცენტრალური კომიტეტის კომისიის მთელი მასალები დეტალური შესწავლისათვის.<sup>2</sup>

29 იანვარს სტალინი ფოტიევას ურეკავს, რომ მასალებს ვერ მისცემს პოლიტბიუროს გარეშე. იმავე დღეს სტალინის პასუხი მოხსენდა ლენინს. ამის თაობაზე ფოტიევასთან საუბარში მან თქვა, რომ იბრძოლებდა მასალების მიღებისათვის. 30 იანვარს ლენინი იძახებს ფოტიევას, კვლავ ეხება „საქართველოს საკითხს“ და, როგორც ფოტიევამ ჩაიწერა, ამბობს: „ეს ხომ გაზეთები არ არის, ...ახლაც შემიძლია ვიკითხო“.<sup>3</sup>

1 თებერვალს რკპ(ბ) ცენტრალური კომიტე-

---

<sup>1</sup> ვ. ი. ლენინი, თხზ., ტ. 42, გვ. 555.

<sup>2</sup> იქვე.

<sup>3</sup> იქვე, გვ. 556-557.

ტის პოლიტბიუროს სხდომაზე განიხილეს ლ. ა. ფოტიევას, მ. ი. გლიასერის და ნ. პ. გორბუნოვის განცხადება თხოვნით, რომ მათთვის მიეცათ „საქართველოს საკითხზე“ კომისიის მასალები ლენინის დავალებით შესასწავლად. პოლიტბიუროს გამოაქვს გადაწყვეტილება: „ა) ნება დაერთოს ცენტრალური კომიტეტის სამდივნოს გასცეს მასალები. ბ) ამხ. ლენინისათვის შედეგების მოხსენება გადაიღოს პროფ. ფერსტერის დასკვნამდე“.<sup>1</sup>

იმავე საღამოს ფოტიევა ლენინს ატყობინებს პოლიტბიუროს გადაწყვეტილებას, რომ სახკომსაბჭოს სამდივნოს გადაეცეს „საქართველოს საკითხზე“ კომისიის მასალები. ლენინი ფოტიევას აძლევს მითითებას, რას მიაქციოს ყურადღება ამ მასალების გარჩევისას, რა საკითხებზე მიიღოს პასუხები საერთოდ მათი შესწავლისას, როგორ გამოიყენოს ისინი.

ლენინს უწინარეს ყოვლისა აინტერესებდა:  
1) რატომ სდებდნენ ბრალს საქართველოს კომპარტიის ცენტრალურ კომიტეტს უკლონიზმში.  
2) რაში ედებოდათ მათ ბრალი როგორც პარტიული დისციპლინის დამრღვევებს... 3) რა ბრალს სდებდნენ ამიერკავკასიის სამხარეო კომიტეტს საქართველოს კომპარტიის ცენტრალური კომიტეტის დათრგუნვაში. 4) დათრგუნვის ფიზიკური საშუალებანი („ბიომექანიკა“). 5) ცენტრალური კომიტეტის ხაზი (ლაპარაკია რკპ(ბ) შესახებ

<sup>1</sup> მლიცა, ფ. 5, აღწ. 2, ს. 32, ფურც. 36.

- გ. უ.) ვლადიმერ ილიას ძის ყოფნისას და არყოფნისას. 6) კომისიის დამოკიდებულება. განიხილა თუ არა კომისიამ ბრალდებანი მხოლოდ საქართველოს კომპარტიის ცენტრალური კომიტეტის წინააღმდეგ თუ აგრეთვე ამიერკავკასიის სამხარეო კომიტეტის წინააღმდეგაც? განიხილა თუ არა მან ბიომექანიკის საკითხი?¹

ლენინმა ფოტიევას უთხრა: „მე რომ თავისუფალი ვიყო (ქერ წამოსცდა, შემდეგ სიცილით გაიმეორა: მე რომ თავისუფალი ვიყო), ყველაფერ ამას ადვილად მოეუვლიდი“.<sup>2</sup>

უკვე 3 თებერვალს ლენინი იძახებს ფოტიევას და ეკითხება, გასინჯეს თუ არა მასალები. აი როგორ აღწერს ამ შეხვედრას ფოტიევა: „მე ვუპასუხე, რომ მხოლოდ ზერელედ და რომ ისინი ძალზე ცოტა აღმოჩნდა, როგორც ვვარაუდობდით. მკითხა, იყო თუ არა ეს საკითხი პოლიტბიუროზე. მე ვუპასუხე, რომ უფლება არა მაქვს ამაზე ვილაპარაკო“. მკითხა: „თქვენ სწორედ და სპეციალურად ამაზე აგიკრძალეს ლაპარაკი?“ „არა, საერთოდ მე არა მაქვს უფლება ვილაპარაკო მიმდინარე საკითხებზე“. „მაშასადამე, ეს მიმდინარე საკითხია?“ „მივხვდი, რომ დაუდევრობა ჩავიდინე. გავიმეორე, ლაპარაკის უფლება არა მაქვს-მეთქი“. მითხრა: „ამ საქმის შესახებ ვიცი ჭერ კიდევ ძერჟინსკამდე, ჩემს ავადმყოფობამდე. კო-

¹ ვ. ი. ლენინი, თხზ., ტ. 42, გვ. 727.

² იქვე, გვ. 557.



მისიამ პოლიტბიუროში გააკეთა მოხსენება?“ „ღი-  
ახ. გააკეთა, პოლიტბიურომ საერთოდ დაამტკი-  
ცა კომისიის გადაწყვეტილება, რამდენადაც ვი-  
ცი“. მითხრა: „აბა, მე მგონია, თქვენს რედაქციას  
გააკეთებთ სამიოდე კვირის შემდეგ, მაშინ წერი-  
ლით მოგმართავთ“.<sup>1</sup>

მესამე დღეს. 5 თებერვალს, ლენინი გლიასერს  
ეკითხება, ესწრებოდნენ თუ არა „საქართველოს  
საკითხზე“ რკპ(ბ) ცენტრალური კომიტეტის პო-  
ლიტბიუროს მასალების განხილვას და რა ვადაში  
აპირებენ ამ მუშაობის დამთავრებას. 7 თებერ-  
ვალს ლენინი კვლავ ეკითხება ფოტიევას, რა  
მდგომარეობაშია „საქართველოს საკითხზე“ პო-  
ლიტბიუროს კომისიის მასალების შესწავლა, რო-  
დის დამთავრდება იგი.<sup>2</sup>

14 თებერვალს ლენინი ესაუბრება ფოტიევას  
და, როგორც მისი დღიურიდან ჩანს, სთხოვს და-  
აჩქარონ ყველა მისი დავალების შესრულება, „გა-  
ნსაკუთრებით დაწვრილებით იმისა, რომელიც მას  
ყველაზე მეტად აღელვებს, ე. ი. „საქართველოს  
საკითხი“. მისცა ზოგიერთი მითითება. ფოტიევამ  
ჩაიწერა შემდეგი: „ვლადიმერ ილიას ძის მითი-  
თებანი: გადაკვრით ვუთხრა სოლცს (ა. ა. სოლცი  
— რკპ(ბ) ცენტრალური კონტროლის კომისიის  
პრეზიდენტის წევრი. — გ. შ.), რომ იგი (ვ. ი. ლე-  
ნინი. — გ. შ.) განაწყენებულთა მხარეზეა. რომე-

<sup>1</sup> ვ ი ლ ე ნ ი ნ ი. თხზ., ტ. 42, გვ. 558.

<sup>2</sup> ი ქ ე ე, გვ. 560.

ლიმე განაწყენებულს ვაგრძნობინო, რომ იგი მათს მხარეზეა.

3 მომენტი: 1. არ შეიძლება ჩხუბი. 2. საჭიროა დათმობანი. 3. არ შეიძლება დიდი სახელმწიფო შევადართ პატარას.

იცოდა თუ არა სტალინმა? რატომ არ რეაგირებდა? სახელწოდება „უკლონისტები“ შოვინიზმისა და მენშევიზმისაკენ გადაზრისათვის დიდმპყრობელთა სწორედ ამ გადაზრას ამტკიცებს“.<sup>1</sup>

16 თებერვალს ლენინის დავალებით კომისიის წევრები გორბუნოვი, ფოტიევა და გლიასერი რკპ(ბ) ცენტრალური კონტროლის კომისიის წევრს ა. ა. სოლცს წერილით სთხოვენ გადასცეს მათ როგორც საქართველოს კონტროლის კომისიისაგან მიღებული, ისე სხვა, ცენტრალური კონტროლის კომისიაში არსებული მთელი მასალები, რომლებიც ეხება „საქართველოს კონფლიქტს“.<sup>2</sup>

22 თებერვალს ლენინის დავალებით გორბუნოვი, ფოტიევა და გლიასერი წერილს უგზავნიან ორჯონიკიძეს, რომელშიც ნათქვამია:

„ამხანაგო ორჯონიკიძე,

ამხანაგმა ლენინმა დაგვავალა ჩვენ (გორბუნოვს, ფოტიევას და გლიასერს) მისთვის მოსახსენებლად შევისწავლოთ ყველა არსებული მასალა საქართველოს საკითხზე.

მოგმართავთ თხოვნით, თუ თქვენ საჭიროდ

<sup>1</sup> ვ. ი. ლენინი, თხზ., ტ. 42, გვ. 729.

<sup>2</sup> ფოტიევა ლ. ა. ვლადიმერ ილიას ძის ცხოვრებიდან. გვ. 313 (რუს).

სცნობთ, ვლადიმერ ილიას ძისათვის წერილობითი განმარტება მოგვეცეთ სამ პუნქტზე:

1. — ინციდენტის შესახებ, რომელიც მოხდა თქვენსა და ამხ. კობახიძეს შორის.

2. — ამხ. ოკუჯავას წერილი.

3. — ამხ. კობახიძის წერილი.

ორ უკანასკნელ წერილს ვურთავთ. ისინი გადაწერილია ერთ ეგზემპლარად. გთხოვთ ახსნა-განმარტება დაწეროთ ამ წერილების უკანა მხარეს ან ყოველ შემთხვევაში დააბრუნოთ ისინი“.<sup>1</sup>

პირველ საკითხზე ორჯონიკიძემ იმავე დღეს უპასუხა: „რაც შეეხება ინციდენტს კობახიძესთან, მე შემოგთავაზებდით შეეკითხოთ ცენტრალური კონტროლის კომისიას და ამხ. რიკოვს, ამ ინციდენტის შემსწრეს, — ასე უფრო ობიექტური იქნება“.<sup>2</sup>

აი რას სწერდა ამ ინციდენტის თაობაზე რსფსრ სახკომსაბჭოს და შრომისა და თავდაცვის თავმჯდომარის მოადგილე ა. ი. რიკოვი რკპ(ბ) ცენტრალური კონტროლის კომისიას:

„თბილისში ამხ. ორჯონიკიძის ბინაზე ჩემი იქ ყოფნისას მოხდა შემდეგი ინციდენტი:

ჩემთან შესახვედრად ამხ. ორჯონიკიძის ბინაში მოვიდა რკ პარტიის წევრი და ჩემი მეგობარი ციმბირში გადასახლებიდან აკაკი კობახიძე. საერთო საუბრის დროს ამხ. კობახიძემ სერგო ორჯონიკიძეს უსაყვედურა, რომ მას ჰყავს რალაც

<sup>1</sup> მლიცა, ფ. 5, აღწ. 2, ს. 32, ფურც. 82.

<sup>2</sup> იქვე, ფურც. 64.

ცხენი და რომ სათავეში მდგომი ამხანაგები, მათ შორის ამხ. ორჯონიკიძეც. მატერიალურად გაცილებით უკეთ არიან უზრუნველყოფილნი, ვიდრე პარტიის სხვა წევრები. კერძოდ, იყო რაღაც საუბარი ბათუმში ახალი საბაჟო პოლიტიკის გავლენით სიძვირის ზრდაზე. ერთ-ერთი ფრაზა, ეტყობა, იმის შესახებ, რომ სერგო ორჯონიკიძე ხაზინის ხარჯზე კვებავს რაღაც ცხენს, აკაკი კობახიძემ სერგოს ყურში ჩასჩურჩულა; ამის შემდეგ მათ შორის ატყდა ლანძღვა-გინება, რომლის დროსაც ამხ. ორჯონიკიძემ კობახიძეს გაართყა. ჩემი და ჩემი ცოლის ჩარევით ინციდენტი ამით შეწყდა, და ამხ. კობახიძე ბინიდან წავიდა. ამის შემდეგ სერგო ორჯონიკიძე ძლიერ განერვიულდა, რაც ისტერიკით დამთავრდა.

ინციდენტის არსზე ვფიქრობ, რომ ამხ. ორჯონიკიძე მართალი იყო, როცა ამხ. კობახიძის საყვედური სასტიკ პირად შეურაცხყოფად მიიღო. ამხ. ორჯონიკიძის ნერვიული აღგზნება და ისტერიკა, რასაც შევესწარი, ჩემი აზრით იმას მოწმობს, რომ შინაპარტიული უთანხმოებისა და კინკლაობის შედეგად საქართველოს პარტიის საუკეთესო წევრებსაც იმდენად აშლილი აქვთ ნერვები, რომ ეს იწვევს შეურაცხყოფელ მოქმედებებს.

ა. ი. რიკოვიჩი<sup>1</sup>

1923 წ. 7 თებერვალი.

<sup>1</sup> მლიცკა, ფ. 5, აღწ. 2, ს. 32, ფურც. 58-59.

არ არის საჭირო იმის მტკიცება, რომ რიკოვის წერილში აშკარად იგრძნობა ორჯონიკიძის გამართლების ცდა კობახიძესთან ინციდენტში.

მეორე კითხვის პასუხად ორჯონიკიძე წერს: „საზიზღარი კინკლაობის შედეგია“,<sup>1</sup> მესამე კითხვაზე: „შემიძლია მხოლოდ ვთქვა, საძაგელი სიცრუეა“.<sup>2</sup>

უკვე 3 მარტს ლენინი იღებს ფოტიევას, გლიასერიისა და გორბუნოვის მოხსენებით ბარათსა და დასკვნას „საქართველოს საკითხზე“ რკპ(ბ) ცენტრალური კომიტეტის პოლიტბიუროს კომისიის მასალების შესახებ.

კომისიის მოხსენებაში ყოველმხრივი ანალიზის საფუძველზე გაკეთებულია დასკვნები, რომ თითქმის ყველა ბრალდება, რომლებიც რკპ(ბ) კავბიურომ, ხოლო შემდგომ ამიერკავკასიის სამხარეო კომიტეტმა და რკპ(ბ) ცენტრალური კომიტეტის კომისიამ წაუყენეს საქართველოს კომპარტიის ცენტრალურ კომიტეტს, უსაფუძვლოა. სახკომსაბჭოს კომისიის დასკვნით საქართველოს კომპარტიის ცენტრალური კომიტეტის ხელმძღვანელობის მონათვლა „ნაციონალ-უკლონისტებად“ „ტენდენციურია“. კომისიის მოხსენებაში დასმულია კითხვა: „ხომ არ არის დიდმპყრობელური უკლონიზმი ის, რომ საქართველოს ცენტრალური კომიტეტის ძველი შემადგენლობის მიერ გატარებული ხაზი გამოცხადებული იყო ნაციონალისტურ

1 მლიცკა, ფ. 5. აღწ. 2. ს. 32. ფურც. 65

2 იქვე, ფურც. 66.

გადახრად საქართველოს პარტიაში და ხომ არ წარმოადგენს თვით ლოზუნგი „უკლონისტები“ და მისი გაჩენა ტენდენციურს?“.<sup>1</sup>

ამ კითხვაზე დადებითსა და ამასთან ერთად დასაბუთებულ პასუხს იძლევა კომისიის მასალები.

ამრიგად, გამართლდა ლენინის ვარაუდი „ბოლომდე და ხელახლა გამოეკვლიათ ძერჟინსკის კომისიის ყველა მასალა“.

5 მარტს ლენინმა გამოიძახა ვოლოდიჩევა და უკარნახა წერილი ტროცკისადმი იმასთან დაკავშირებით, რომ „საქართველოს საკითხი“ უნდა განხილულიყო რკპ(ბ) ცენტრალური კომიტეტის პლენუმზე, სთხოვა წერილი ტელეფონით გადაეცა და რაც შეიძლება ჩქარა ეცნობებინათ მისთვის პასუხი.

წერილში ნათქვამია: „ძალიან გთხოვთ იკისროთ საქართველოს საქმის დაცვა პარტიის ცენტრალური კომიტეტის სხდომაზე. ამ საქმეს ახლა სტალინი და ძერჟინსკი „დევნიან“, და მე არ შემეძლია დავენდო მათს მიუკერძოებლობას. მთლად პირიქითაც კია. თქვენ რომ დათანხმდებოდეთ იკისროთ მისი დაცვა, მე შემეძლება გულდამშვიდებული ვიყო. თუ თქვენ რაიმე მიზეზით ვერ დათანხმდებით, დამიბრუნეთ მთელი საქმე. ამას ჩავთვლი იმის ნიშნად, რომ თქვენ თანახმა არა ხართ“.<sup>2</sup>

<sup>1</sup> მლიცა, ფ. 5, აღწ. 2, ს. 32, ფურც. 89.

<sup>2</sup> ვ. ი. ლენინი. თხზ., ტ. 45, გვ. 756.

ეს წერილი ლენინმა იმავე დღეს ტელეფონით წაუკითხა ტროცკის. ტროცკიმ ავადმყოფობა მოიმიზეზა და უპასუხა, რომ ვერ იკისრებდა ასეთ მოვალეობას.

ტროცკისაგან უარყოფითი პასუხის მიღების შემდეგ ვ. ი. ლენინი 6 მარტს კარნახობს წერილს ამხანაგების პ. გ. მდიენის, ფ. ე. მახარაძისა და სხვებისათვის. ასლს უგზავნის ამხანაგებს ტროცკისა და კამენევს.

წერილში ნათქვამია:

„პატივცემულო ამხანაგებო! სულითა და გულით თვალყურს ვადევნებ თქვენს საქმეს. აღწფოთებული ვარ ორჯონიკიძის უხეშობით და იმით, რომ მას მფარველობენ სტალინი და ძერჟინსკი. ვამზადებ თქვენთვის ბარათებსა და სიტყვას. პატივისცემით ლენინი“.<sup>1</sup>

სამწუხაროდ, ეს იყო დიდი ბელადის უკანასკნელი დოკუმენტი, უკანასკნელი სიტყვები. მან უკვე ვეღარ შეძლო მოემზადებინა წერილი და სიტყვა „საქართველოს საკითხზე“.

მაგრამ ვ. ი. ლენინის ეს ორი უკანასკნელი წერილი, აგრეთვე მისი განსაკუთრებული დაინტერესება „საქართველოს საკითხზე“ რკპ(ბ) ცენტრალური კომიტეტის პოლიტიბუროს კომისიის მასალებით და შეუწელებელი ყურადღება და ზრუნვა „ექვმიტანილი“ ქართველი კომუნისტებისადმი იმ განსაკუთრებული ყურადღების, გულსხმიერების ნათელი ნიმუშია, რომელსაც

<sup>1</sup> ვ. ი. ლენინი, თხზ., ტ. 45, გვ. 757-758.

ვ. ი. ლენინი იჩენდა პარტიის სწორი ეროვნული პოლიტიკის განხორციელებისა და ეროვნული რესპუბლიკების უფლებათა დაცვაში. /

1923 წლის 7 მარტს, შეიტყო რა ლენინის 8 მარტის წერილის შესახებ ჩანანიშნით „სასტიკად საიდუმლოდ“. სტალინი ორჯონიკიძეს უგზავნის წერილს, რომელშიც ნათქვამია: „ძვირფასო სერგო! ამხ. კამენევისაგან შევიტყვევ, რომ ილიჩი ამხანაგებს მახარაძესა და სხვებს უგზავნის წერილს, სადაც იგი სოლიდარობას უცხადებს (ხაზგასმა ჩენია. — გ. თ.) უკლონისტებს და გლანძღავს შენ, ამხ. ძერჟინსკის და მე. ჩანს, მიზნად ისახავს ზეგავლენა მოახდინოს საქართველოს კომპარტიის ყრილობაზე უკლონისტების სასარგებლოდ. ზედმეტია ლაპარაკი, რომ, როცა უკლონისტები ამ წერილს მიიღებენ, ყველანაირად გამოიყენებენ მას ამიერკავკასიის სამხარეო კომიტეტის წინააღმდეგ, განსაკუთრებით შენს და ამხ. მიასნიკოვის წინააღმდეგ. გირჩევ: 1. ამიერკავკასიის სამხარეო კომიტეტმა არავითარი ზეგავლენა არ მოახდინოს საქართველოს კომპარტიის უმრავლესობის ნებაზე, ბოლოსდაბოლოს სრულად გამოვლინდეს ეს ნება. როგორც უნდა იყოს იგი;

2. მიაღწიეთ კომპრომისს, მაგრამ ისეთ კომპრომისს, რომელიც შეიძლება განხორციელდეს საქართველოს პასუხისმგებელ მუშაკებზე უხეში

---

<sup>1</sup> ცნობილი არ არის, ვისგან შეიტყო კამენევა ლენინის წერილის შესახებ, რომელსაც ჰქონდა ჩანანიშნი „სასტიკად საიდუმლოდ“.



ზეგავლენის მოუხდენლად. ე. ი. ბუნებრივ, ნებაყოფლობით კომპრომისს“.

1923 წლის 8 მარტს ორჯონიკიძემ სტალინს აცნობა, რომ უკლონისტებმა გამოუშვეს წინასაყრილობო ანონიმური წერილი — კვლავ „რკინიგზელთა ჯგუფის“ ხელმოწერით, რომელშიც ორჯონიკიძეს, მიასნიკოვს, ელიავას, ორახელაშვილს და სხვებს „რას არ უწოდებენ“.

8 მარტს ორჯონიკიძე კიროვს სწერდა: „ძვირფასო მირონიჩ. გიგზავნი ჩვენი უკლონისტების ახალ მოწოდებას. ყველა ამტკიცებს, რომ ეს საქმე სერიოზუა ჭავთარაძის კალმის ნაოსტატარია. საქართველოს კპ(ბ) ყრილობის სამზადისი გაჩაღებულია; არც უკლონისტები და არც ჩვენები ძალასა და საშუალებას არ ზოგავენ. უკლონისტებს გვარიანად ურტყამენ, ყრილობაზე ისინი, ალბათ, უმნიშვნელო უმცირესობა იქნებიან“.

16 მარტს სტალინი ორჯონიკიძეს დეპეშით ატყობინებს: „ვფიქრობ, ყველაფრის მიუხედავად, საქმე ყრილობაზე კარგად წავა. ექვი არ მეპარება, რომ საქართველოს ყრილობა, ისევე როგორც რკპ(ბ) XII ყრილობა, დაადასტურებს ამიერკავკასიის სამხარეო კომიტეტის პოლიტიკას“.

ე. ი. ლენინის მზურნველობითმა დამოკიდებულებამ ნაციონალ-უკლონისტებად მონათლული ჯგუფისადმი უდავოდ განაპირობა მის მიმართ რკპ(ბ) ცენტრალური კომიტეტის ურთიერთობის შეცვლა უკეთესობისაკენ.

ამას ნათლად მოწმობს ჯერ კიდევ 25 იანვარს რალური კომიტეტი იმას ემყარება, — აღინიშნა დადგენილება საქართველოს კომპარტიის ცენტრალური კომიტეტისა და ამიერკავკასიის სამხარეო კომიტეტის შემადგენლობის შესახებ. რკპ(ბ) ცენტრალური კომიტეტი იმას ემყარება, — აღნიშნა დადგენილებაში, — რომ საქართველოს კომპარტიის ცენტრალური კომიტეტი ვერ იქნება მუშაობისუნარიანი, თუ მის შემადგენლობაში არ ჩაირთვებიან ძველი ქართველი მარქსისტ-პრაქტიკოსები, რომლებიც ხელმძღვანელობენ ისეთ უმნიშვნელოვანეს საქმეებს, როგორცაა სამხედრო-საზღვაო, სამეურნეო საქმეები. გარდა ამისა, რკპ(ბ) ცენტრალურ კომიტეტს მიაჩნია, რომ ძველი მარქსისტ-პრაქტიკოსი ჭავთარაძე საქართველოს ცენტრალურ კომიტეტში უფრო სასარგებლო იქნებოდა, ვიდრე ზოგიერთი ახალგაზრდა კომუნისტი. ამის საფუძველზე რკპ(ბ) ცენტრალური კომიტეტი აღგენს:

პირველი. ...საქართველოს ცენტრალურ კომიტეტში წევრებად შეყვანილ იქნენ ელიავა, ტოროშელიძე, ცინცაძე კონსტანტინე, ჭავთარაძე; დავალოს კაბიუროს საქართველოს ცენტრალური კომიტეტის პარტიის ახალგაზრდა წევრთა შესაბამისი რაოდენობა ცენტრალური კომიტეტის წევრობიდან გადაიყვანოს ცენტრალური კომიტეტის კანდიდატებად.

მეორე. ...საქართველოს ცენტრალური კომიტეტის სამდივნოს პრეზიდიუმი აიგოს ისე, რომ

უმრავლესობა უზრუნველყოფილი ჰქონდეთ ძველ პარტიულ ბოლშევიკებს და რომ დაცულ იქნეს ხუთწლიანი სტაჟი.

მესამე. ...საქართველოს სახკომსაბჭოს თავმჯდომარის საკითხი დარჩეს ახლანდელ მდგომარეობაში გენუიდან მდივნის დაბრუნებამდე.<sup>1</sup>

შემდეგ ამ დაგენილებაში აღნიშნულია: „სამხარეო კომიტეტი შედგენილ იქნეს ისე, რომ იხელმძღვანელონ კანდიდატების თებერვლამდელი სტაჟით, შეყვანილ იქნენ ნარიმანოვი, კიროვი, კრილოვი, მდივანი, ორახელაშვილი, მიასნიკოვი, ლუკაშინი, კადირლი ან სტაჟიანი სხვა მუსლიმანი, ორჯონიკიძე, სულ ცხრანი“.<sup>2</sup>

მაგრამ ბრძოლა ეგრეთ წოდებული ნაციონალ-უკლონისტების წინააღმდეგ კვლავ დაძაბულ ხასიათს იღებს 1923 წლის მარტში საქართველოს კომპარტიის მეორე ყრილობაზე და ამიერკავკასიის კომუნისტური ორგანიზაციების მეორე ყრილობაზე. ამ ყრილობებზე თითქმის ყველა გამოსული, როგორც წესი, უხეშად აკრიტიკებდა მათ.

თავის საპასუხო გამოსვლაში ამიერკავკასიის კომუნისტური ორგანიზაციების მეორე ყრილობაზე მომხსენებელ ორჯონიკიძის მისამართით მდივანი ამბობდა: „მე განგებ მეჭირა საათი და თვალს ვადევნებდი: 2 საათიდან ჩვენ 40 წუთს გვადანაშაულებდნენ, ეს მეტისმეტად ბევრია, ძალიან დიდი ყურადღება დაგვითმეს, თანაც ჯგუფის წინა-

<sup>1</sup> მლიცკა, ფ. 13, აღწ. 3, ს. 16, ფურც. 19.

<sup>2</sup> იქვე, ფურც. 20.

აღმდეგ კი არა. არამედ მდივნის ჯგუფის წინააღმდეგ. ეს ძალზე დიდი ყურადღებაა და კარგი იქნებოდა. თუ მომხსენებელი ბრალდებებს ობიექტურად წამოგვიყენებდა“.

უთანასწორო ბრძოლის შედეგად ორჯონიკიძემ მიადწია „ნაციონალ-უკლონისტებზე“ „გამარჯვებას“. არც ერთი მათგანი, მახარაძის გარდა, არ შეუყვანიათ ყრილობის მიერ არჩეულ ამიერკავკასიის სამხარეო კომიტეტის ხელმძღვანელ ორგანოებში, აგრეთვე არ აურჩევიათ რკპ(ბ) XII ყრილობის დელეგაციის შემადგენლობაში. ბუღუ მდივანი რკპ(ბ) XII ყრილობაში მონაწილეობდა სათათბირო ხმით რკპ(ბ) ცენტრალური კომიტეტისაგან.

მიუხედავად იმისა, რომ ამიერკავკასიის სამხარეო კომიტეტის საქმიანობა მოიწონა ამიერკავკასიის კომუნისტური ორგანიზაციების მეორე ყრილობამ, რკპ(ბ) ცენტრალური კომიტეტისათვის მაინც ცხადი გახდა, რომ ამიერკავკასიის სამხარეო კომიტეტის ხელმძღვანელობას შეცდომები ჰქონდა. ეს გამოიხატებოდა ამიერკავკასიის რესპუბლიკების უფლებათა უგულვებელყოფით და ამიერკავკასიის საბჭოთა ფედერაციული სოციალისტური რესპუბლიკის სსხკომსაბჭოს, ყველა ან თითქმის ყველა კომისარიატის უზომო ცენტრალიზაციითა და კონცენტრაციით, ამიტომ შემთხვევითი არ არის, რომ თუმცა სტალინი ყველა საქმეში მხარს უჭერდა ორჯონიკიძეს, მაინც იძულებული იყო ესაყვედურა მისთვის 21 მარტს გაგზავნილი დე-

პეშით: „არ შეიძლება ამიერკავკასიის ეროვნული რესპუბლიკები. — წერდა იგი, — ჩავაყენოთ უარეს მდგომარეობაში, ვიდრე ყირიმისა და იაკუტიის (ავტონომიური ოლქები). ეს შეცდომა აუცილებლად და დაუყოვნებლივ უნდა გამოსწორდეს“...

შემთხვევითი როდია, აგრეთვე, რომ ტროცკიმ 1923 წლის 26 მარტს პოლიტბიუროს სხდომაზე. ხოლო ხუთი დღის შემდეგ, 31 მარტს, რკპ(ბ) ცენტრალური კომიტეტის სხდომაზე შეიტანა პროექტი, რომელიც შედგებოდა სამი წინადადებისაგან:

1) ორჯონიკიძის გაწვევის შესახებ;

2) აღინიშნოს, რომ ამიერკავკასიის ფედერაცია თავისი ახლანდელი სახით წარმოადგენს საბჭოთა ფედერაციის დამახინჯებას, უზომო ცენტრალიზაციის აზრით;

3) აღიარებულ იქნას, რომ ამხანაგები, რომლებიც შეადგენენ უმცირესობას საქართველოს კომპარტიაში, არ წარმოადგენენ გადახრას პარტიული ხაზისაგან ეროვნულ საკითხში; მათ პოლიტიკას ამ საკითხში ჰქონდა თავდაცვითი ხასიათი — ორჯონიკიძის არასწორი პოლიტიკის წინააღმდეგ“.

ტროცკის წინადადებას მხარი არ დაუჭირეს არც რკპ(ბ) ცენტრალური კომიტეტის პოლიტბიუროზე, არც პლენუმზე. სამაგიეროდ რკპ(ბ) ცენტრალურმა კომიტეტმა 31 მარტს მიიღო გადაწყვეტილება მდივნის გაწვევის შესახებ.

**6. ბ. კ. ორჯონიძე: „ყრილობიდან ისინი  
სისხლგამზრალნი დაბრუნდნენ“**

„ნაციონალ-უკლონისტების“ წინააღმდეგ ბრძოლა მალე კვლავ ყოველგვარ საზღვარს გადასცდა პარტიის XII ყრილობაზე. ყრილობის რამდენიმე სხდომაზე გრძელდებოდა უთანასწორო შეტაკება, ერთი მხრივ, ორჯონიძეს, ენუქიძეს, ორახელაშვილის, ელიაეას და, მეორე მხრივ, მახარაძეს, მდივანსა და ქავთარაძეს შორის. უფრო მეტიც, ორჯონიძემ მდივნის, მახარაძისა და ქავთარაძის წინააღმდეგ ბრძოლაში ჩააბა ყრილობის ყველა ამიერკავკასიელი დელეგატი — 23 კაცი. მათი ხელმოწერით შეადგინეს საბრალდებო აქტი ეგრეთ წოდებული უკლონისტების, კერძოდ მახარაძის, მდივნის და ქავთარაძის, წინააღმდეგ და შეიტანეს რკპ(ბ) XII ყრილობის პრეზიდიუმში. მათ ბრალად სდებდნენ „სეპარატიზმსა“ და „გაუცხოებას“.

ბევრი ასეთი ცოდვა მიაწერეს მათ განსაკუთრებით ორჯონიძემ, ორახელაშვილმა, ენუქიძემ და სხვა დელეგატებმა ამიერკავკასიის პარტიული ორგანიზაციისაგან. ისინი ყრილობაზე ხშირად ისროდნენ დამცინავ რეპლიკებს მდივნისა და მახარაძის მისამართით ყრილობაზე მათი გამოსვლების დროს.

ასე, მაგალითად, როცა ყრილობის მეორე მდივანმა სხდომაზე მდივანი მაღალ შეფასებას აძლევდა ლენინის სტატიას „ეროვნებათა საკითხისათვის ანუ ავტონომიზაციის შესახებ“, კორკონიკიძემ ადგილიდან რეპლიკა ესროლა: „გენიოსია...“ რეპლიკაზე მდივანმა უპასუხა: „არა, ჩვენ გენიოსები არა ვართ! ჩვენ გვყავს გენიოსთა რანგში აყვანილი სხვა ადამიანები, მაგრამ ჩვენ უბრალო კომუნისტები ვართ, რომლებიც ფიქრობენ ეროვნულ პრობლემაზე“.

„ფედერაციის წინააღმდეგ“ მდივნის ბრძოლის საკითხს რომ ეხებოდა, სტალინმა ყრილობის მეექვსე სხდომაზე თქვა: „მე ვფიქრობ: ზოგიერთ ამხანაგს, რომლებიც საბჭოთა ტერიტორიის რომელიმე ნაგლეჯზე მუშაობენ, საქართველო რომ ჰქვია, იქ, ზემო სართულში, ეტყობა, ყველაფერი რიგზე ვერა აქვთ“.

შემდეგ, მდივანი, ყრილობაზე სტალინის მოხსენებას რომ ეხებოდა, აღნიშნავდა: „მომხსენებელმა დიდი ადგილი დაუთმო საქართველოსა და ქართულ შოვინიზმს“, სტალინმა ადგილიდან რეპლიკა ესროლა: „განსაკუთრებული პატივისცემის ნიშნად!“.

სტალინის რეპლიკაზე მდივანმა უპასუხა: „გმადლობთ, ამხ. სტალინ, მაგრამ ნება მიბოძეთ „უაღრესად განსაკუთრებული“ პატივისცემის ნიშნად შეგახსენოთ ზოგი რამ ჩვენი წარსული ცხოვრებიდან. გვეუბნებიან, რომ ჩვენ შოვინისტები ვართ იმიტომ, რომ ვიცავთ პრივილეგიებს ჩვენთვის და

თავად ვთრგუნავთ ზოგიერთ ეროვნებას. — მაგალითად აფხაზებს, ოსებსა და აქარლებს.

ვაცხადებ, რომ აფხაზეთი, — აქ არიან მისი წარმომადგენლები. — დამოუკიდებელი იყო.

ო რ ჯ ო ნ ი კ ი ძ ე (აღგილიდან): „თქვენი ნების საწინააღმდეგოდ“.

მ დ ი ვ ა ნ ი. „მაპატიეთ, ამხ. ორჯონიკიძე. თქვენდამი პატივისცემისათვის უნდა ვთქვა, რომ, როცა აფხაზეთის ეს დამოუკიდებლობა გამოცხადდა, მე ვერ გამოვავლენდი ვერავითარ ნებას, ვინაიდან თურქეთში ვიყავი, ისე, რომ სწორედ ამ აფხაზეთის დამოუკიდებლობა მოისპო ჩვენი მოწინააღმდეგეების უშუალო ზეგავლენითა და იძულებით“.

ასე. ყრილობის რამდენიმე სხდომაზე გრძელდებოდა შეურაცხმყოფელი კინკლაობა ორ მხარეს შორის. ამასთან დაკავშირებით ყრილობაზე ზინოვიევა ერთ-ერთ გამოსვლაში აღნიშნა, რომ „საქართველოს საკითხმა დათვური სამსახური გაუწია ჩვენს ყრილობას“. რადეკმა კი თავის გამოსვლაში თქვა: „ყრილობა უკვე ცოტა არ იყოს დაიღალა ამ დისკუსიით“.

„ყრილობიდან ისინი სისხლგამშრალნი დაბრუნდნენ“, — ასე დაახასიათა ეგრეთ წოდებული „ნაციონალ-უკლონისტების“ მდგომარეობა ს. ორჯონიკიძემ.

\* \* \*

ტრაგიკულად დატრიალდა იმათი ბედი. ვინაა ავისმომასწავებელი „ნაციონალ-უკლონისტე-



ბის“ დალი დაასვეს. მთელი რიგი წლების მანძილზე ისინი რეპრესიებს განიცდიდნენ. ასე, ბ. მდივანი და ს. ქავთარაძე უკვე 1927 წელს დააპატიმრეს და გადაასახლეს ჯერ ჩელიაბინსკში, შემდეგ კი ვიატკაში. ოცდაათიანი წლების დამდეგს ისინი გაათავისუფლეს, რათა 1936-1937 წლებში ისევ დაეპატიმრებინათ. ამ დროისათვის „ნაციონალ-უკლონისტებს“ უკვე ბრალად სდებენ უფრო მძიმე დანაშაულს. ბერიას იმავე წიგნში ეწერა. „1927-1935 წლების პერიოდში ნაციონალ-უკლონიზმი... გადაიზარდა ფაშიზმის დაქირავებულ აგენტურად, იქცა შპიონების, მავნებლების, დივერსანტების, მზვერავეებისა და მკვლევების უპრინციპო და უიდეო ბანდად, მუშათა კლასის დაუძინებელი მტრების გათავხედებულ ბანდად“. ჩაუფიქრდით, მკითხველო, რა საშინელი იარაღიყების სიუხვეა. ისინი ხომ იმ დროს ჩვეულებრივად გაისმოდა. 1937 წელს დახვრიტეს ბ. მდივანი, მ. ოკუჯავა, მ. ტოროშელიძე და ზოგიერთი სხვა. უფრო ადრე, 1930 წელს, ბანაკში მოკვდა კ. ცინცაძე.

იმის ერთ-ერთი ძირითადი მიზეზი, რომ წარმოიშვა „ნაციონალ-უკლონისტების“ საქმე, ვფიქრობთ, ის არის, რომ, ლენინმა, სამწუხაროდ, ვერ შეძლო მონაწილეობა მიეღო რკპ(ბ) XII ყრილობის მუშაობაში.

## 7. ძირითადი დასკვნები

პირველი. ნაციონალ-უკლონისტებად წოდებული საქართველოს კომპარტიის ცენტრალური კომიტეტის ხელმძღვანელი ბირთვი განუხრელად და თანამიმდევრულად იბრძოდა იმისათვის, რომ განემტკიცებინა, გაედრმავებინა და გაეფართოებინა ქართველი ხალხის ძმური მეგობრობა საბჭოთა ქვეყნის ყველა ხალხთან, კერძოდ, საერთო ინტერესებით შეერთებულ ამიერკავკასიის რესპუბლიკების ხალხებთან. მაგრამ რკპ ცენტრალური კომიტეტის კავბიურომ, ხოლო მოგვიანებით ამიერკავკასიის სამხარეო კომიტეტმა იგი ნაციონალ-უკლონისტებად მონათლეს, მიაწერეს მას პარტიის ეროვნული პოლიტიკის წინააღმდეგ, ამიერკავკასიის ფედერაციის წინააღმდეგ, ამ მხარის რესპუბლიკების პარტიული, სახელმწიფოებრივი და ეკონომიკური კავშირის განმტკიცების წინააღმდეგ გამოსვლა.

ამ ბრალდებებს საერთო არაფერი აქვთ სინამდვილესთან.

კავბიუროს, მოგვიანებით აგრეთვე ამიერკავკასიის სამხარეო კომიტეტის ხელმძღვანელობის მტკიცების საპირისპიროდ, „ნაციონალ-უკლონის-

ტებად“ მონათლული საქართველოს კომპარტიის ცენტრალური კომიტეტის ხელმძღვანელობა ერთსულოვნად უკერდა მხარს რკპ(ბ) ცენტრალური კომიტეტის გადაწყვეტილებას ამიერკავკასიის ფედერაციის შექმნის შესახებ. მაგრამ ისინი წინადადებას აყენებდნენ ამიერკავკასიის ფედერაცია შექმნილიყო არა მბრძანებლური გზით და ადმინისტრაციული იძულების ღონისძიებებით, ერთი დაკვრით, როგორც ამას ახორციელებდნენ კავბიურო და ამიერკავკასიის სამხარეო კომიტეტი, არამედ ორგანიზებულად, უგზური ფაციფუცის გარეშე, მოფიქრებულად, ამიერკავკასიის რესპუბლიკების პარტიული ორგანიზაციებისა და ფართო მშრომელი მასების მხარდაკერით.

ამას მოითხოვდა ლენინის მიერ შედგენილი რკპ(ბ) ცენტრალური კომიტეტის პოლიტბიუროს დადგენილების პროექტიც ამიერკავკასიის რესპუბლიკების ფედერაციის საკითხზე, რომელიც პოლიტბიურომ მიიღო 1921 წლის 29 ნოემბერს. 30 ნოემბერს პოლიტბიუროს ეს გადაწყვეტილება ერთსულოვნად მოიწონა და „განუხრელი ხელმძღვანელობისათვის“ მიიღო საქართველოს კომპარტიის ცენტრალური კომიტეტის პრეზიდიუმმა.

ასეთია ქეშმარიტება. საწინააღმდეგო მტკიცებისათვის საფუძველი არ არსებობს.

შეორე. ნაციონალ-უკლონისტებად წოდებული საქართველოს კომპარტიის ცენტრალური კომიტეტის ხელმძღვანელი ბირთვი ერთსულოვნად, ყოველგვარი მერყეობის გარეშე მხარს უკერდა

სსრ კავშირის შექმნის ლენინურ იდეას, არასოდეს უკან არ იხევდა ამ საკითხში და აქტიურად იბრძოდა ამ იდეის განსახორციელებლად.

საწინააღმდეგო მტკიცებისათვის არავითარი არგუმენტი არ არსებობს.

მესამე. ნაციონალ-უკლონისტებად წოდებული საქართველოს კომპარტიის ცენტრალური კომიტეტის პირველი იყო, ვინც გაილაშქრა „ავტონომიზაციის“ დიდმპყრობელურ-შოვინისტური გეგმის წინააღმდეგ. ამიტომ შემთხვევითი როდია, რომ საქართველოს კომპარტიის ცენტრალური კომიტეტის ხელმძღვანელობის წინააღმდეგ ბრძოლაში ამიერკავკასიის სამხარეო კომიტეტის ხელმძღვანელობასთან ერთად ჩაებნენ „ავტონომიზაციის“ ავტორი და თანაავტორები და რკპ(ბ) ცენტრალური კომიტეტის პოლიტბიუროს, საორგანიზაციო ბიუროს და სამდივნოს ზოგიერთი სხვა შოვინისტურად განწყობილი წევრი, ამ უთანასწორო ბრძოლაში საქართველოს კომპარტიის ცენტრალური კომიტეტის ხელმძღვანელობას მხარს უჭერდა ვ. ი. ლენინი, რომელმაც მთელი პრინციპულობით დაგმო „ავტონომიზაციის“ გეგმის შოვინისტური ხასიათი და წამოაყენა სსრ კავშირის შექმნის იდეა, რაც უმნიშვნელოვანესი წვლილი იყო პარტიის ეროვნული პოლიტიკის განვითარებაში.

გაზვიადებული არ იქნება, თუ ვიტყვით, რომ „ავტონომიზაციის“ გეგმის წინააღმდეგ ბრძოლასთან ერთად საქართველოს კომპარტიის ცენტრალური კომიტეტის ზოგიერთმა ხელმძღვანელმა

გარკვეული როლი შეასრულა ლენინის მიერ სსრ კავშირის შექმნის იდეის ფორმულირების საქმეში, დიდმნიშვნელოვანი ფაქტია ისიც, რომ ლენინს არასოდეს და არც ად არ უწოდებია საქართველოს კომპარტიის ცენტრალური კომიტეტის ხელმძღვანელობისათვის „ნაციონალ-უკლონისტური“, პირიქით, ლენინი მუდამ მხარს უჭერდა მათ და მზრუნველ დამოკიდებულებას იჩენდა მათდამი.

მეოთხე. რკპ(ბ) ცენტრალური კომიტეტი და ამიერკავკასიის სამხარეო კომიტეტის ხელმძღვანელობა მათ მიერვე ნაციონალ-უკლონისტებად მონათლულ საქართველოს კომპარტიის ცენტრალური კომიტეტის ხელმძღვანელობას ბრალად სდებდნენ იმას, რომ ისინი მოითხოვდნენ ამიერკავკასიის ფედერაციის ლიკვიდაციას სსრ კავშირის შექმნის შემდეგ. ეს ფაქტია. ისინი მართლაც მოითხოვდნენ სსრ კავშირის შემადგენლობაში საქართველოს შესვლას უშუალოდ, უკრაინისა და ბელორუსიის მსგავსად.

ისმება კითხვა: რატომ არ შეიძლებოდა სსრ კავშირის შექმნის შემდეგ ფედერაციის ლიკვიდაცია? რა თქმა უნდა, შეიძლებოდა, სრულიად უმტკივნეულოდ.

ვაჭამებთ რა ზემოაღნიშნულს, გაზვიადებული არ იქნება ვამტკიცოთ, რომ ეგრეთ წოდებული ნაციონალ-უკლონისტების წინააღმდეგ წამოყენებული ყველა ბრალდება იყო პრინციპულად არასწორი, ხელოვნურად შეთითხნილი და გაბერძილი.

## შინაარსი

შესავლის გაბიერ	3
ეგრეთ წოდებული „ნაციონალ-შკლონისტი- ჯის“ წინააღმდეგ	6
ვ. ი. ლენინი: „ერთად და თანასწორად“	30
ბრძოლა უფრო შეუჩინებელი ხდება	47
ვ. ი. ლენინი: „მთელი სულითა და გულით თვალუწის ვადევნებ თქვენს საქმეებს“	66
ბ. კ. ორჯონიძე: „პრილობიდან ისინი სისხლ- ბამურალნი დაბრუნდნენ“	86
ჩირითადი დასკვნები	90

რედაქტორი **ო. ხუნდაძე**  
მხატვრული რედაქტორი **რ. მაქარაშვილი**  
ტექნიკური რედაქტორი **ნ. აფხაზავა**  
კორექტორი **მ. ქანიაშვილი**  
გამომშვები **მ. მკედლიძე**

გადაეცა წარმოებას 01. 09. 89. ხელმოწერილია დასაბეჭდად  
18. 12. 89. უე 02008. საბეჭდი ქალაღი 2. 70X90 1/32.  
გარნიტური ვენა, ბეჭდვა მაღალი. პირობითი ნაბეჭდი თაბახი  
3,63. პირ. საღ.-გატ. 3,79. სააღრ.-საგამომც. თაბახი 2,97.  
ტირაჟი 10 000. შეკვ. № 2026.

ფახი 70 კაპ.

გამომცემლობა „საბჟოთა საქართველო“  
თბილისი, მარჯანიშვილის 5.

საქართველოს კპ ცკ-ის გამომცემლობის შრომის წითელი  
ღროშის ორღენოსანი სტამბა, თბილისი, ლენინის, 14

Ордена Трудового Красного Знамени тип. изд.  
ЦК КП Грузии, г. Тбилиси, ул. Ленина, 14.